



Bosnia and Herzegovina
Federation of Bosnia and Herzegovina
CANTON SARAJEVO
Government

Broj: 02-04-8597-2/25
Sarajevo, 13.03.2025. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) Vlada Kantona Sarajevo, na **99.** vanrednojsjednici održanoj **13.03.2025.** godine, donijela je

Z A K L J U Č A K

1. Utvrđuje se prijedlog Zakona o izmjenama i dopunama Zakona o rudarstvu.
2. Prijedlog Zakona iz tačke 1. ovog zaključka dostavlja se Skupštini Kantona Sarajevo, na daljnje odlučivanje.
3. Ovaj zaključak stupa na snagu danom donošenja.

P R E M I J E R

Nihad Uk

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo privrede Kantona Sarajevo,
6. Evidencija,
7. A r h i v a.



Bosna i Hercegovina
Federacija Bosne i Hercegovine
KANTON SARAJEVO
V L A D A

ZAKON
O IZMJENAMA I DOPUNAMA
ZAKONA O RUDARSTVU

(Prijedlog)

Nosilac izrade:
Ministarstvo privrede

Sarajevo, februar, 2025. godine

Na osnovu člana 13. stav (1) tačka i) i člana 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17) i člana 122. Zakona o rudarstvu Federacije Bosne i Hercegovine ("Službene novine Federacije BiH", broj 26/10), Skupština Kantona Sarajevo, na __. sjednici održanoj dana __. __. 2025. godine, donijela je

P r i j e d l o g

ZAKON O IZMJENAMA I DOPUNAMA ZAKONA O RUDARSTVU

Član 1.

(Izmjene i dopune člana 2.)

(1) U Zakonu o rudarstvu ("Službene novine Kantona Sarajevo", broj 29/12) u članu 2. u stavu (1) tač. 10. i 11. mijenjaju se i glase:

"10. vađenje mineralne sirovine - eksploatacija obuhvata sve potrebne radnje da se dođe do mineralne sirovine u ležištu - uključujući otvaranje, pripremu za otkopavanje, otkopavanje i transport, tj. dopremu na oplemenjivanje i/ili skladištenje;

11. bušotinska eksploatacija uključuje sve potrebne radnje da se ležište pripremi za eksploataciju crpljenjem i da se eksploatacija crpljenjem izvede i mineralna sirovina uključi u preradu;"

(2) U tački 12. riječ: "odrobljenje" zamjenjuje se riječju: "drobljenje".

(3) Iza tačke 39. na kraju rečenice interpunkcijski znak "tačka" zamjenjuje se interpunkcijskim znakom "tačka zarez" i dodaju se tač. 40. i 41., koje glase:

"40. otkrivka je jalovi dio ležišta - dio zemljanog i/ili stijenskog materijala koji je potrebno izmjestiti da bi se izvršilo vađenje korisne mineralne sirovine; i

41. jalovina je zemljani ili stijenski materijal ili mulj nastao pri otkopavanju mineralnih sirovina površinskom ili podzemnom eksploatacijom, kao i jalovi materijal koji nastaje nakon prerade mineralne sirovine postupcima odvajanja koji se preduzimaju radi izdvajanja korisne mineralne sirovine."

Član 2.

(Izmjena člana 3.)

Član 3. mijenja se i glasi:

"Član 3.

(Svrha Zakona)

(1) Upravljanje mineralnim sirovinama obuhvata sve postupke i radnje potrebne za optimalnu eksploataciju i korištenje mineralnih sirovina koje će vršiti kantonalna vlast uz osiguranje njihovog racionalnog iskorištenja u skladu sa propisima o sigurnosti rudarskih objekata i zaposlenih i o zaštiti okoliša i prirodnih vrijednosti.

(2) Svrha ovog Zakona je upravljanje mineralnim sirovinama sa ciljem:

a) postizanja racionalne i održive eksploatacije mineralnih sirovina;

b) postizanja društvenog i privrednog razvoja;

c) zaštite rudnog blaga; i

d) osiguranja učestvovanja javnosti u donošenju odluka koje se odnose na rudna bogatstva."

Član 3.

(Izmjena člana 4.)

U članu 4. u stavu (2) riječ: "raionalnog" zamjenjuje se riječju: "racionalnog".

Član 4.

(Izmjene i dopune člana 7.)

(1) U članu 7. u tački a) riječ: "preradu" zamjenjuje se riječju: "prerade", a riječ: "oplemenjivanje" zamjenjuje se riječju: "oplemenjivanja".

(2) U tački b) iza riječi: “kolosjerci” dodaje se interpunkcijski znak: “zarež” i riječ: “transporteri”.

Član 5.

(Izmjena člana 8.)

U članu 8. u stavu (2) riječi: “organa koji je to pravo dodijelio” zamjenjuju se riječju: “Ministarstva”.

Član 6.

(Izmjena člana 14.)

U članu 14. u stavu (5) riječi: “stava (3)” zamjenjuju se riječima: ”stava (4)”.

Član 7.

(Izmjene člana 19.)

(1) U članu 19. u stavu (1) riječi: “člana 21.” zamjenjuju se riječima: ”člana 20.”, a riječ: “tehnčkog” zamjenjuje se riječju: “tehničkog”.

(2) U st. (2) i (3) riječi: “člana 21.” zamjenjuju se riječima: “člana 20.”.

Član 8.

(Izmjena člana 25.)

U članu 25. riječi: “čl. od 21. do 30.” zamjenjuju se riječima: “čl. 19. do 24.”.

Član 9.

(Izmjena člana 27.)

U članu 27. stav (1) riječi: “federalni ministar” zamjenjuju se riječima: “ministar Federalnog ministarstva energije, rudarstva i industrije (u daljnjem tekstu: federalni ministar)”.

Član 10.

(Izmjena člana 28.)

U članu 28. riječi: “čl. od 20. do 30.” zamjenjuju se riječima: “čl. od 19. do 24.”.

Član 11.

(Izmjena člana 29.)

U članu 29. u stavu (1) riječi: “odredbe koje” zamjenjuju se riječima: ”propisima koji”.

Član 12.

(Izmjena i dopuna člana 31.)

(1) U članu 31. u stavu (2) riječi: “Federalno ministarstvo” zamjenjuju se riječima: “Federalno ministarstvo energije, rudarstva i industrije (u daljnjem tekstu: Federalno ministarstvo)”.

(2) Iza stava (2) dodaje se stav (3) koji glasi:

“(3) Dozvole iz stava (1) ovog člana za mineralne sirovine čije se eksploataciono polje prostire na području dva ili više kantona izdaje Federalno ministarstvo.”.

Član 13.

(Dopuna člana 35.)

U članu 35. iza stava (1) dodaje se stav (2) koji glasi:

“(2) Dozvolu za produženje dozvole za eksploataciju izdaje Ministarstvo, a u slučaju kada se eksploataciono polje prostire na području dva ili više kantona dozvolu za produženje dozvole za eksploataciju izdaje Federalno ministarstvo.”.

Član 14.

(Dopuna člana 36.)

U članu 36. iza stava (2) dodaje se stav (3) koji glasi:

“(3) Dozvolu za potpunu i trajnu obustavu eksploataciju izdaje Ministarstvo, a u slučaju kada se eksploataciono polje prostire na području dva ili više kantona dozvolu za potpunu i trajnu obustavu eksploatacije izdaje Federalno ministarstvo.”.

Član 15.
(Dopuna člana 40.)

U članu 40. u stavu (1) iza riječi: “člana 31.” dodaju se riječi: “stav (1) tačka c)”.

Član 16.
(Izmjena člana 43.)

U članu 43. u stavu (5) u tački b) riječi: “čl. od 63 do 69” zamjenjuje se riječima: “čl. od 63. do 65.”.

Član 17.
(Izmjene člana 51.)

(1) U članu 51. stav (3) mijenja se i glasi:

“(3) Privredno društvo ili izvođač rudarskih radova dužno je Ministarstvu i nadležnoj rudarskoj inspekciji prijaviti privremenu planiranu obustavu radova najmanje osam dana prije obustave radova, a u slučaju ponovnog početka radova nakon privremene planirane obustave radova ili ponovnog početka radova nakon obustave radova iz stava (1) ovog člana, privredno društvo ili izvođač rudarskih radova dužno je Ministarstvu i nadležnoj rudarskoj inspekciji prijaviti ponovni početak radova najmanje osam dana prije ponovnog početka radova.”.

(2) U stavu (4) riječi: “je obustava iz stava (3) ovog člana očekivana i” zamjenjuju se riječima: “obustava iz stava (1) ili stava (3) ovog člana”.

Član 18.
(Izmjene člana 52.)

(1) U članu 52. u stavu (1) veznik “ili” zamjenjuje se veznikom “i”.

(2) U stavu (2) riječi: “zatvaranja rudarskog objekta na kojem prestaje eksploatacija” zamjenjuju se riječima: “iz člana 36. stav (1) tačka b) ovog Zakona”.

(3) U stavu (3) riječi: “Ministarstva prostornog uređenja i zaštite okoliša” zamjenjuju se riječima: “kantonalnog ministarstva nadležnog za prostorno uređenje i zaštitu okoliša”.

Član 19.
(Izmjene člana 53.)

(1) U članu 53. u stavu (1) broj: “36” zamjenjuju se brojem: “31”, a riječi: “sanacije i rekultivacije” zamjenjuju se riječima: “iz člana 36. stav (1) tačka b) ovog Zakona”.

(2) U stavu (5) riječi: “Stručne Komisije” zamjenjuju se riječima: “Komisije iz člana 52. ovog Zakona”.

(3) Stav (7) briše se, a dosadašnji stav (8) postaje stav (7) u kojem se riječi: “tehničkog pregleda” zamjenjuju riječima: “rada Komisije iz stava (5) ovog člana”.

Član 20.
(Izmjene člana 54.)

(1) U članu 54. u stavu (1) broj: “37” zamjenjuje se brojem: “31”.

(2) U stavu (4) riječi: “37. stav (2) tačke c), d), e) i f) ovog zakona prestaju sa odlukom koju izdaje isti organ koji je izdao navedene dozvole” zamjenjuju se riječima: “31. stav (1) tač. a), c), d), e) i f) ovog Zakona prestaju sa odlukom koju izdaje Ministarstvo”.

Član 21.
(Dopuna člana 58.)

U članu 58. iza stava (1) dodaje se stav (2) koji glasi:

“(2) Sadržaj, redoslijed izrade, sastavne dijelove i način izrade rudarskih projekata propisuje federalni ministar.”.

Član 22.
(Izmjene člana 65.)

(1) U članu 65. stav (1) brišu se riječi: “st. (5), (6) i (7)”.

(2) U stavu (2) riječi: “saglasnost Ministarstva” zamjenjuju se riječima: “odobrenje za obavljanje poslova revizije rudarskih projekata”.

Član 23.

(Izmjena člana 66.)

U članu 66. u stavu (1) riječi: “člana 57.” zamjenjuju se riječima: “čl. 57. i 64.”.

Član 24.

(Dopune člana 71.)

U članu 71. dodaju se st. (9) i (10) koji glase:

“(9) Za svaku kalendarsku godinu, privredno društvo je obavezno o svom trošku izraditi i dostaviti Ministarstvu geodetski elaborat sa obračunatim količinama mineralne sirovine eksploatisane u odnosnoj kalendarskoj godini, najkasnije u roku od 20 dana od isteka te kalendarske godine.

(10) Situacioni nacrti, karte, planovi, projekti i geodetski elaborati iz ovog člana moraju biti prikjučeni na državnu geodetsku osnovu.”.

Član 25.

(Izmjena i dopuna člana 77.)

(1) U članu 77. u stavu (2) riječi: “Zakonom o inspekcijama u Federaciji Bosne i Hercegovine (“Službene novine Federacije BiH”, broj 69/05)” zamjenjuju se riječima: “odnosnim propisima”.

(2) Iza stava (2) dodaje se stav (3) koji glasi:

“(3) Poslove rudarskog inspektora može obavljati lice koje ima stečenu diplomu visokog obrazovanja rudarskog, mašinskog ili elektrotehničkog smjera, najmanje VII stepen stručne spremlje ili visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja, najmanje tri godine iskustva na poslovima tehničkog rukovođenja u privrednim društvima koja se bave eksploatacijom mineralnih sirovina, položen stručni ispit za tehničko rukovođenje u rudarstvu i položen stručni ispit za radno mjesto rudarskog inspektora.”.

Član 26.

(Izmjena i dopune člana 83.)

(1) U članu 83. u stavu (1) tačka k) riječi: “izvođenje rudarskih radova” zamjenjuju se riječima: “obavljanje djelatnosti”.

(2) Iza tačke k), na kraju rečenice interpunkcijski znak “tačka” zamjenjuje se interpunkcijskim znakom “tačka zarez” i dodaju se tač. l) i m) koje glase:

“l) izreći novčanu kaznu na licu mjesta kako je određeno ovim Zakonom;

m) odrediti drugo lice za vođenje akcije spašavanja.”.

Član 27.

(Izmjene i dopuna člana 94.)

(1) U članu 94. u stavu (1) u tački a) iza riječi: “stav (1)” dodaju se riječi: “i član 31. stav (1)”.

(2) U tački b) riječi: “(član 9. stav (1))” zamjenjuju se riječima: “(član 37.)”.

(3) U tački e) riječi: “(član 17. stav (2), član 58. stav (1) i član 44. stav (1))” zamjenjuju se riječima: “(čl. 12., 17., 44., 45. stav (1), 46., 47., 48., 49. i 50.)”.

(4) U tački f) broj: “30” zamjenjuje se brojem: “29”.

(5) U tački j) riječ: “sličaj” zamjenjuje se riječju: “slučaj” i broj “45” zamjenjuje se brojem: “51”.

(6) U tački k) veznik: “ili” zamjenjuje se veznikom “i” i broj: “51” zamjenjuje se brojem: “52”.

(7) U tački o) riječi: “član 18. do 24.” zamjenjuju se riječima: “čl. 18., 19., 20., 22., 23. i 25.”.

(8) Iza tačke o) dodaju se nove tačke p), r) i s) koje glase:

“p) ako Ministarstvu ne dostavi elaborat u propisanom roku (član 71. stav (9));

r) ako obavljaju poslove periodičnih pregleda oruđa za rad i uređaja i ispitivanje fizičkih, hemijskih i bioloških uticaja i izdavanja odgovarajućih isprava o rudarstvu, a ne ispunjavaju propisane uslove (član 43.);

s) koje povjeri izradu tehničke dokumentacije ili reviziju projekata privrednom društvu ili drugom pravnom licu koje ne ispunjava propisane uslove (čl. 63. i 65.) ili koje povjeri vršenje periodičnih pregleda oruđa za rad i uređaja i ispitivanje fizičkih, hemijskih i bioloških uticaja i izdavanje odgovarajućih isprava o rudarstvu privrednom društvu ili drugom pravnom licu, koje ne ispunjava propisane uslove (član 43.) ili povjeri izvođenje rudarskih radova privrednom društvu ili drugom pravnom licu koje ne ispunjava propisane uslove (član 11.); i”.

(9) Dosadašnja tačka: “p)” postaje tačka: “t)”.

Član 28.

(Dodavanje novog člana)

Iza člana 94. dodaje se novi član 94a. koji glasi:

“Član 94a.

(Prekršaji)

(1) Novčanom kaznom od 5.000,00 KM do 10.000,00 KM bit će kažnjeno za prekršaj privredno društvo i drugo pravno lice ako rudarskom inspektoru ne dozvoli postupanje u skladu sa njegovim pravima ili ga ometa ili sprečava na bilo koji način u vršenju nadzora ili ne postupi po rješenju rudarskog inspektora (član 78. i član 84. stav 1. tačka f)).

(2) Novčanom kaznom od 500,00 KM do 2.000,00 KM bit će kažnjeno odgovorno lice u pravnom licu za prekršaj iz stava (1) ovog člana.”

Član 29.

(Izmjene člana 95.)

(1) U članu 95. u stavu (1) u tački a) broj: “65” zamjenjuje se brojem: “64”,

(2) U tački b) broj: “58” zamjenjuje se brojem: “57” i broj: “65” zamjenjuje se brojem: “64”.

(3) U tački c) broj: “66” zamjenjuje se brojem: “65”.

(4) U tački d) broj: “56” zamjenjuje se brojem: “57”, a broj: “65” zamjenjuje se brojem: “64” i riječi: “(član 65. stav (1))” brišu se.

Član 30.

(Izmjena člana 96.)

U članu 96. u stavu (2) broj: “93” zamjenjuje se brojem: “94”.

Član 31.

(Započeti postupci)

Upravni postupci započeti prije stupanja na snagu ovog Zakona bit će riješeni u skladu sa Zakonom o rudarstvu (“Službene novine Kantona Sarajevo”, broj 29/12).

Član 32.

(Stupanje na snagu)

Ovaj Zakon stupa na snagu osmog dana od dana objavljivanja u “Službenim novinama Kantona Sarajevo”.

Broj: 01-02-____/25

Sarajevo, __. __. 2025. godine

**PREDSJEDAVAJUĆI
SKUPŠTINE KANTONA SARAJEVO**

Elvedin Okerić

O B R A Z L O Ž E N J E

PRAVNI OSNOV

Pravni osnov za donošenje Zakona o izmjenama i dopunama Zakona o rudarstvu sadržan je u članu 13. stav (1) tačka i) i članu 18. stav (1) tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17) i članu 122. Zakona o rudarstvu Federacije Bosne i Hercegovine ("Službene novine Federacije BiH", broj 26/10).

RAZLOZI ZA DONOŠENJE

Skupština Kantona Sarajevo, na 54. Radnoj sjednici održanoj dana 31.10.2022. godine, Zaključkom, broj: 01-02-44723/22 od 31.10.2022. godine, utvrdila je Nacrt zakona o izmjenama i dopunama Zakona o rudarstvu. U tački 2. ovog Zaključka utvrđeno je da će se javna rasprava održati u kantonalnim organima, jedinicama lokalne samouprave, naučnim i stručnim ustanovama i da će trajati 60 dana. Za organizovanje i provođenje javne rasprave, Skupština Kantona Sarajevo je zadužila Vladu Kantona Sarajevo da nakon provedene javne rasprave Skupštini Kantona Sarajevo podnese Izvještaj o rezultatima javne rasprave. Izvještaj treba da sadrži primjedbe, prijedloge i mišljenja, kao i da dâ obrazloženje razloga zbog kojih pojedine primjedbe, prijedlozi i mišljenja nisu prihvaćeni u pripremi Prijedloga Zakona o izmjenama i dopunama Zakona o rudarstvu.

Ministarstvo privrede Kantona Sarajevo kao nosilac pripreme Prijedloga zakona o izmjenama i dopunama Zakona o rudarstvu je, dana 31.10.2022. godine, dostavilo Službi za skupštinske poslove Kantona Sarajevo Spisak subjekata za dostavu Nacrta zakona o izmjenama i dopunama Zakona o rudarstvu, a u kojem su navedeni sljedeći subjekti kojim je potrebno dostaviti ovaj Nacrt zakona:

1. Vlada Kantona Sarajevo - Premijer;
2. Svim ministarstvima Kantona Sarajevo;
3. Predsjedavajući Skupštine Kantona Sarajevo;
4. Zamjenik predsjedavajućeg Skupštine Kantona Sarajevo - Vibor Handžić;
5. Zamjenica predsjedavajućeg Skupštine Kantona Sarajevo - Danijela Kristić;
6. Zamjenica predsjedavajućeg Skupštine Kantona Sarajevo - Smiljana Viteškić;
7. Sekretar Skupštine Kantona Sarajevo;
8. Sekretar Vlade Kantona Sarajevo;
9. Grad Sarajevo;
10. Svim općinama Kantona Sarajevo;
11. Kantonalna uprava za inspekcijske poslove Kantona Sarajevo, Sarajevo, Dalmatinska 2;
12. Zavod za planiranje razvoja Kantona Sarajevo, Sarajevo, Branilaca Sarajeva 26;
13. Zavod za izgradnju Kantona Sarajevo, Sarajevo, Kaptol 3;
14. Federalno ministarstvo energije, rudarstva i industrije, Mostar, Alekse Šantića b.b.,

15. Federalni zavod za geologiju, Ilidža, Ustanička 11,
16. Komisija za koncesije Federacije BiH, Sarajevo, Zagrebačka 41 b;
17. Univerzitet u Sarajevu, Sarajevo, Obala Kulina Bana 7/II;
18. Univerzitet u Sarajevu, Građevinski fakultet, Sarajevo, Patriotske lige 30;
19. Univerzitet u Tuzli, Rudarsko-geološko-građevinski fakultet, Tuzla, Univerzitetska 2;
20. Privredna/Gospodarska komora Federacije BiH, Sarajevo, Branislava Đurđeva 10; i
21. Privredna komora Kantona Sarajevo, Sarajevo, La Benevolencije 8.

Shodno Zaključku Skupštine Kantona Sarajevo, broj: 01-02-44723/22 od 31.10.2022. godine, provedena je javna rasprava o Nacrtu zakona o izmjenama i dopunama Zakona o rudarstvu, a o istoj je sačinjen Izvještaj sa javne rasprave o Nacrtu zakona o izmjenama i dopunama Zakona o rudarstvu od juna 2023. godine. Za izradu Zakona o izmjenama i dopunama Zakona o rudarstvu ministar Ministarstva privrede Kantona Sarajevo je Rješenjem, broj: 07-04-14-38077/21 od 30.11.2021. godine, imenovao Komisiju za izradu Zakona o izmjenama i dopunama Zakona o rudarstva. Postupajući po Rješenju, broj: 07-04-14-38077/21 od 30.11.2021. godine, Komisija je izvršila zadatke iz tačke II ovog Rješenja. S tim u vezi, dana 04.11.2024. godine, Komisija je Ministarstvu privrede Kantona Sarajevo dostavila: Prijedlog Zakona o izmjenama i dopunama Zakona o rudarstva i Izvještaj sa javne rasprave o Nacrtu ovog zakona, koji su usaglašeni od strane Komisije, kao i Izvještaj o radu Komisije sa zapisnicima sa sastanaka Komisije.

Nakon provedene Javne rasprave o Nacrtu zakona o izmjenama i dopunama Zakona o rudarstvu u odnosu na ovaj Nacrt zakona izvršene su sljedeće izmjene i dopune:

U članu 2. Nacrta zakona, stav (1) je izmijenjen i sada glasi: "(1) Upravljanje mineralnim sirovinama obuhvata sve postupke i radnje potrebne za optimalnu eksploataciju i korištenje mineralnih sirovina koje će vršiti kantonalna vlast uz osiguranje njihovog racionalnog iskorištenja u skladu sa propisima o sigurnosti rudarskih objekata i zaposlenih i o zaštiti okoliša i prirodnih vrijednosti."

Dalje, u članu 27. Nacrta zakona dopunjen je stav (8) novim tačkama r) i s), tako da sada stav (8) glasi: "Iza tačke o) dodaju se nove tačke r) i s) koje glase:

r) ako obavljaju poslove periodičnih pregleda oruđa za rad i uređaja i ispitivanje fizičkih, hemijskih i bioloških uticaja i izdavanja odgovarajućih isprava o rudarstvu, a ne ispunjavaju propisane uslove (član 43.);

s) koje povjeri izradu tehničke dokumentacije ili reviziju projekata privrednom društvu ili drugom pravnom licu koje ne ispunjava uslove (čl. 63. i 65.) ili koje povjeri vršenje periodičnih pregleda sredstava rada i sredstava i opreme lične zaštite pri radu, periodične preglede i ispitivanje fizičkih, hemijskih i bioloških štetnosti i mikrokline u radnim i pomoćnim prostorijama i izdavanje odgovarajućih isprava u rudarstvu privrednom društvu ili drugom pravnom licu koji ne ispunjava uslove (član 43.) ili povjeri izvođenja rudarskih radova privrednom društvu ili drugom pravnom licu koji ne ispunjava uslove (član 11.)."

S obzirom na navedene izmjene u članu 27. stavu (9) Nacrta zakona dosadašnja tačka: "p)" postaje tačka: "t)".

Dalje, u skladu sa članom 4. stav (1) tačka a) alineja 7., tač. b) i c) Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 50/17 - Drugi novi prečišćeni tekst, 2/18 i 32/22) i čl. 8. i 9. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet ("Službene novine Federacije Bosne i Hercegovine", br. 34/16 i 15/18), po zahtjevima Ministarstva privrede

Kantona Sarajevo, na Prijedlog zakona o izmjenama i dopunama Zakona o rudarstvu, dostavljena su mišljenja od strane: Ekonomsko-socijalnog vijeća za područje Kantona Sarajevo – Mišljenje, broj: 13-01-04-34210-2/23 od 31.07.2023. godine, Ureda za zakonodavstvo Vlade Kantona Sarajevo – Mišljenje, broj: 09-02-29940/23 od 04.07.2023. godine, Pravobranilaštva Kantona Sarajevo – Mišljenje, broj: M-111/23 od 29.06.2023. godine, Ministarstva finansija Kantona Sarajevo – Mišljenje, broj: 08/03-02-29932/23 NB od 26.06.2023. godine i Ministarstva privrede i uprave – Mišljenje, broj: 03-04-02-35325/23 od 15.08.2023. godine. Nakon razmatranja i analize navedenih mišljenja, Ministarstvo privrede Kantona Sarajevo je konstatovalo sljedeće: Ured za zakonodavstvo Vlade Kantona Sarajevo i Ministarstvo finansija Kantona Sarajevo nisu imali primjedbe na dostavljeni tekst Prijedloga Zakona o izmjenama i dopunama Zakona o rudarstvu, Ekonomsko-socijalno vijeće za područje Kantona Sarajevo je podržalo aktivnosti Ministarstva privrede Kantona Sarajevo i Vlade Kantona Sarajevo na donošenju Zakona o izmjenama i dopunama Zakona o rudarstvu. Pravobranilaštvo Kantona Sarajevo je u svom Mišljenju, broj: M-111/23 od 29.06.2023. godine, navelo da se predmetnim Prijedlogom zakona ne regulišu imovinsko pravna pitanja, te da se Pravobranilaštvo Kantona Sarajevo ne može očitovati po istom. Ministarstvo pravde i uprave je u svom Mišljenju, broj: 03-04-02-35325/23 od 15.08.2023. godine navelo da je Prijedlog zakona o izmjenama i dopunama Zakona o rudarstvu propis kojim se ne povrijeđuju prava zaštićena odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima, kojima je utvrđena zaštita ljudskih prava i sloboda.

PRAVNA RJEŠENJA

Prijedlog zakona o izmjenama i dopunama Zakona o rudarstvu (“Službene novine Kantona Sarajevo”, broj 29/12) sadrži ukupno 32 člana, sa sljedećim pravnim rješenjima:

Član 1. - Ovim članom se na potpuniji i precizniji način određuje značenje pojedinih izraza iz člana 2. Zakona o rudarstvu (“Službene novine Kantona Sarajevo”, broj 29/12), a uvažavajući stavove i iskustva rudarske nauke, struke i prakse, te se ispravljaju tehničke greške. Dodate su tačke 40. i 41. kojima se definiše značenje izraza otkrivka i jalovina.

Član 2. - U članu 3. tačka e) postala je stav (1) ovog člana, čime je posebno definisano šta se podrazumijeva pod upravljanjem mineralnim sirovinama.

Član 3. - U članu 4. u stavu (2) riječ: “raionalnog” zamjenjuje se riječju: “racionalnog”, a isto je učinjeno radi ispravke tehničke greške u ovom stavu.

Član 4. - U članu 7. u tački a) riječ: “preradu” zamjenjuje se riječju: “prerade”, a riječ: “oplemenjivanje” zamjenjuje se riječju: “oplemenjivanje” radi tehničke korekcije riječi. U tački b) ovog člana, dodata je riječ: “transporteri”, jer isti također spadaju u rudarska postrojenja.

Član 5. - U članu 8. propisano je da se pravo iz stava (1) ovog člana može prenijeti na drugo pravno lice uz saglasnost Ministarstva, čime je propisano da je prenos odobrenja za eksploataciju u nadležnosti Ministarstva privrede Kantona Sarajevo, s obzirom da je odobrenje za eksploataciju mineralnih sirovina do stupanja na snagu Zakona o rudarstvu (“Službene novine Kantona Sarajevo”, broj 29/12) izdavalo Federalno ministarstvo energije, rudarstva i industrije (u daljnjem tekstu: Federalno ministarstvo), a nakon toga Ministarstvo privrede Kantona Sarajevo.

Član 6. - U članu 14. u stavu (5) riječi: “stava (3)” zamjenjuju se riječima: “stava (4)”, a iz razloga ispravljanja tehničke greške jer se izdavanje odgovarajuće saglasnosti navodi u stavu (4) a ne u stavu (3).

Član 7. - U članu 19. ispravljaju se pravopisne i tehničke greške, tako što se u stavu (1) riječi: “člana 21.” zamjenjuju riječima: “člana 20.”, a riječ: “tehncog” zamjenjuje se riječju: “tehničkog”, a u st. (2) i (3) riječi: “člana 21.” zamjenjuju se riječima: “člana 20.”.

Član 8. - U članu 25. riječi: “čl. od 21. do 30.” zamjenjuju se riječima: “čl. 19. do 24.”, radi ispravke tehničke greške, jer su poslovi glavnog tehničkog rukovođenja, tehničkog rukovođenja,

poslovi rudarskih mjerenja, nadzornika u rudarskim objektima, poslovođe u rudarskim objektima i poslovi samostalnog rukovanja eksplozivnim sredstvima, propisani članovima od 19. do 24. Zakona.

Član 9. - U članu 27. stav (1) riječi: “federalni ministar” zamjenjuju se riječima: “ministar Federalnog ministarstva energije, rudarstva i industrije (u daljnjem tekstu: federalni ministar)”, iz razloga da bi se decidno navelo da je riječ o ministru Federalnog ministarstva energije, rudarstva i industrije.

Član 10. - U članu 28. riječi: “čl. od 20. do 30.” zamjenjuju se riječima: “čl. od 19. do 24.”, radi ispravke tehničke greške, jer su poslovi glavnog tehničkog rukovođenja, tehničkog rukovođenja, poslovi rudarskih mjerenja, nadzornika u rudarskim objektima, poslovođe u rudarskim objektima i poslovi samostalnog rukovanja eksplozivnim sredstvima, propisani članovima od 19. do 24. Zakona.

Član 11. - U članu 29. u stavu (1) riječi: “odredbe koje” zamjenjuju se riječima: “propisima koji”. Predmetna izmjenom propisuje se - da privredno društvo odnosno izvođač radova pri građenju drugih objekata mora osigurati izvođenje radova prema propisima koji važe i za građenje tih objekata.

Član 12. - U članu 31. u stavu (2) propisuje se da se u daljnjem tekstu Zakona umjesto naziva: Federalno ministarstvo energije, rudarstva i industrije koristi izraz: Federalno ministarstvo, te da Federalno ministarstvo izdaje dozvole iz stava (1) ovog člana za mineralne sirovine čije se eksploataciono polje prostire na više kantona, odnosno vrši se usklađivanje sa članom 37. stav (5) Zakona o rudarstvu Federacije BiH (“Službene novine Federacije BiH”, broj 26/10).

Član 13. - U članu 35. iza stava (1) dodat je novi stav (2), koji glasi:

“(2) Dozvolu za produženje dozvole za eksploataciju izdaje Ministarstvo, a u slučaju kada se eksploataciono polje prostire na području dva ili više kantona dozvolu za produženje dozvole za eksploataciju izdaje Federalno ministarstvo.”.

Ovom dopunom se vrši preciziranje nadležnog organa iz stava (1), s ciljem rješavanja nedoumice o nadležnosti za izdavanje dozvole za produženje dozvole za eksploataciju za slučaj da je dozvolu za eksploataciju mineralne sirovine na području Kantona Sarajevo donijelo Federalno ministarstvo prije donošenja Zakona o rudarstvu (“Službene novine Kantona Sarajevo”, broj 29/12), kao i u slučaju kada je eksploataciono polje na području više kantona.

Član 14. - U članu 36. dopunom se propisuje da dozvolu za potpunu i trajnu obustavu rudarskih radova izdaje Ministarstvo, osim u slučaju da se eksploataciono polje prostire na području dva ili više kantona kada dozvolu za potpunu i trajnu obustavu rudarskih radova izdaje Federalno ministarstvo. Na ovaj način se rješavaju nedoumice o nadležnosti za izdavanje dozvole za potpunu i trajnu obustavu rudarskih radova za slučaj da je dozvolu za eksploataciju na eksploatacionom polju koje se nalazi na području Kantona Sarajevo izdalo Federalno ministarstvo prije donošenja Zakona o rudarstvu (“Službene novine Kantona Sarajevo”, broj 29/12), kao i u slučaju kada je eksploataciono polje na području dva ili više kantona.

Član 15. - U članu 40. u stavu (1) iza riječi: “člana 31.” dodaju se riječi: “stav (1) tačka c)”, a radi preciziranja vrste dozvole na koju se odnosi stav (1) ovog člana, tj. da se stav (1) odnosi na dozvolu za izvođenje radova prema rudarskom projektu.

Član 16. - U članu 43. u stavu (5) u tački b) riječi: “čl. od 63 do 69” zamjenjuje se riječima: “čl. od 63. do 65.”, čime se vrši ispravka tehničkih grešaka.

Član 17. - U članu 51. izmjenom stava (3) propisuje se rok u kojem se mora prijaviti ponovni početak radova nakon privremene obustave radova koja je iznenada nastupila i nakon privremene planirane obustave radova. Izmjena u stavu (4) propisuje obavezu privrednog društva ili izvođača rudarskih radova da i u slučaju privremene obustave rudarskih radova koja je iznenada nastupila izvrši obaveze iz stava (4) ovog člana.

Član 18. - U članu 52. vrši se ispravljanje tehničke greške i usklađivanje naziva projekta iz ovog člana sa nazivom projekta iz člana 36. stav (1) tačka b) Zakona. Izmjenom stava (3) predloženo je da u sastavu Komisije budu: “predstavници kantonalnog ministarstva nadležnog za prostorno uređenje i zaštitu okoliša”, umjesto postojeće formulacije: “predstavници Ministarstva prostornog uređenja i zaštite okoliša”.

Član 19. - U članu 53. u stavu (1) broj: “36.” zamjenjuje se brojem: “31.”, a riječi: “sanacije i rekultivacije” zamjenjuju se riječima: “iz člana 36. stav (1) tačka b) Zakona”, radi ispravke tehničke greške, odnosno otklanjanja nedoumica u vezi toga - da li je riječ o istom projektu iz člana 36. stav (1) tačka b) ovog Zakona.

U stavu (5) riječi: “Stručne Komisije” zamjenjuju se riječima: “Komisije iz člana 52. Zakona”, da bi se otklonile nedoumice da je riječ o istoj komisiji.

Stav (7) briše se jer je sastav Komisije određen u članu 52. Zakona, a stav (8) postaje stav (7) u kojem se riječi: “tehničkog pregleda” zamjenjuju riječima: “rada Komisije iz stava (5) ovog člana”, iz razloga da se precizira da rad Komisije ne obuhvata samo tehnički pregled.

Član 20. - U članu 54. u stavu (1) broj: “37” zamjenjuje se brojem: “31”, radi ispravke tehničke greške, a u stavu (4) izvršena je izmjena kojom se potpunije propisuje - da prestankom ugovora o koncesiji prava iz dozvola regulisanih članom 31. stav (1) tačke a), c), d), e) i f) ovog Zakona prestaju sa odlukom koju izdaje Ministarstvo.

Član 21. - U članu 58. iza stava (1) dodat je stav (2) čime se vrši usklađivanje sa članom 65. Zakona o rudarstvu Federacije BiH (“Službene novine Federacije BiH”, broj 26/10).

Član 22. - U članu 65. vrši se izmjena stava (1) radi usklađivanja sa članom 76. Zakona o rudarstvu Federacije BiH (“Službene novine Federacije BiH”, broj 26/10), a u stavu (2) riječi: “saglasnost Ministarstva” zamjenjuju se riječima: “odobrenje za obavljanje poslova revizije rudarskih projekata” iz razloga što predmetnu saglasnost ne izdaje Ministarstvo privrede Kantona Sarajevo nego Federalno ministarstvo.

Član 23. - U članu 66. mijenja se stav (1), odnosno u stavu (1) riječi: “člana 57.” zamjenjuju se riječima: “čl. 57. i 64.” iz razloga što obaveza revidenta treba biti da utvrdi - da li je projekat urađen u skladu sa članovima 57. i 64. Zakona.

Član 24. - U članu 71. dodati su st. (9) i (10), pri čemu su stavom (9) propisani - obaveza izrade i rok za dostavu odnosnog geodetskog elaborata nadležnom Ministarstvu, radi kontinuirane kontrole količine mineralne sirovine eksploatisane sa eksploatacionog polja, a stavom (10) je propisano - da situacioni nacrti, karte, planovi, projekti i geodetski elaborati iz ovog člana moraju biti priključeni na državnu geodetsku osnovu, čime je rješenje ovog pitanja usaglašeno sa federalnim Zakonom o rudarstvu.

Član 25. - U članu 77. u stavu (2) riječi: “Zakonom o inspekcijama u Federaciji Bosne i Hercegovine (“Službene novine Federacije BiH”, broj 69/05)” zamjenjuju se riječima: “odnosnim propisima” iz razloga što je potrebno navesti - da je širi zakonski okvir za postupanje, a u stavu (3) propisani su uslovi koje mora ispunjavati lice za obavljanje poslova i radnih zadataka na radnom mjestu rudarskog inspektora.

Član 26. - U članu 83. vrši se izmjena u stavu (1) tački k), te su iza tačke k) dodate tačke l) i m), radi usaglašavanja sa članom 100. stav (1) tačka 11. Zakona o rudarstvu Federacije BiH (“Službene novine Federacije BiH”, broj 26/10) i propisuju se dodatne upravne mjere, koje nadležni inspektor može naložiti u slučaju kada izvođač rudarskih radova ne postupa ili nepotpuno postupa prema propisanim obavezama. Također, vrši se i usklađivanje mjera sa članom 100. stav (1) tač. 6. i 12. Zakona o rudarstvu Federacije BiH (“Službene novine Federacije BiH”, broj 26/10).

Član 27. - U članu 94. u stavu (1) u tački a) precizira se prekršaj za privredno društvo i drugo pravno lice ako vrši eksploataciju mineralnih sirovina bez odobrenja propisanih članom 31. stav (1), u tački b) precizira se prekršaj ako se izvode rudarski radovi bez dozvole iz člana 37.

Zakona. u tački e) precizira se prekršaj za nesprovođenje čl. 12., 17., 44., 45. stav (1), 46., 47., 48., 49. i 50., u tački f) broj: "30" zamjenjuje se brojem: "29" radi ispravke tehničke greške, u tački j) riječ: "sličaj" zamjenjuje se riječju: "slučaj" radi ispravke tehničke greške, broj: "45" zamjenjuje se brojem: "51" radi ispravke tehničke greške, u tački k) veznik: "ili" zamjenjuje se veznikom: "i" i broj: "51" zamjenjuje se brojem: "52" radi ispravke tehničkih grešaka, u tački o) riječi: "člana 18. do 24." zamjenjuju se riječima: "čl. 18., 19., 20., 22., 23. i 25." radi preciziranja prekršaja, iza tačke o) dodaju se nove tačke p), r) i s), koje glase:

"p) ako Ministarstvu ne dostavi elaborat u propisanom roku (član 71. stav (9));

r) ako obavljaju poslove periodičnih pregleda oruđa za rad i uređaja i ispitivanje fizičkih, hemijskih i bioloških uticaja i izdavanja odgovarajućih isprava o rudarstvu, a ne ispunjavaju propisane uslove (član 43.);

s) koje povjeri izradu tehničke dokumentacije ili reviziju projekata privrednom društvu ili drugom pravnom licu koje ne ispunjava propisane uslove (čl. 63. i 65.) ili koje povjeri vršenje periodičnih pregleda oruđa za rad i uređaja i ispitivanje fizičkih, hemijskih i bioloških uticaja i izdavanje odgovarajućih isprava o rudarstvu privrednom društvu ili drugom pravnom licu, koje ne ispunjava propisane uslove (član 43.) ili povjeri izvođenje rudarskih radova privrednom društvu ili drugom pravnom licu koje ne ispunjava propisane uslove (član 11.); i", čime se kao prekršaj uvodi nepostupanje po članu 71. stav (9), kao i po članovima 11., 43., 63. i 65. Zakona, te se definiše da ranija tačka: "p)" postaje tačka: "t)".

Član 28. - Iza člana 94. dodat je novi član 94a. radi usklađivanja sa članom 113. Zakona o rudarstvu Federacije BiH ("Službene novine Federacije BiH", broj 26/10).

Član 29. - U članu 95. u stavu (1) mijenjaju se tačke: a), b), c) i d) radi ispravljanja tehničkih grešaka, te se brišu riječi: "(član 65. stav (1))", također radi ispravke tehničke greške.

Član 30. - U članu 96. u stavu (2) u trećem redu, broj: "93." zamjenjuje se brojem: "94.", a ova izmjena se vrši radi ispravke tehničke greške.

Član 31. - U ovom članu propisano je da će upravni postupci započeti prije stupanja na snagu ovog Zakona biti riješeni u skladu sa Zakonom o rudarstvu ("Službene novine Kantona Sarajevo, broj 29/12).

Član 32. - Stupanje na snagu ovog Zakona. Naime, propisano je - da ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

FINANSIJSKA SREDSTVA

Za provođenje ovog Zakona nisu potrebna dodatna finansijska sredstava u Budžetu Kantona Sarajevo.

Shodno naprijed navedenom, predlaže se Skupštini Kantona Sarajevo da u skladu sa Poslovnikom Skupštine Kantona Sarajevo, usvoji Prijedlog zakona o izmjenama i dopunama Zakona o rudarstvu.



Bosna i Hercegovina
Federacija Bosne i Hercegovine
KANTON SARAJEVO
VLADA

IZVJEŠTAJ
O REZULTATIMA JAVNE RASPRAVE O NACRTU ZAKONA O IZMJENAMA I
DOPUNAMA ZAKONA O RUDARSTVU

Nosilac izrade:
Ministarstvo privrede

Sarajevo, juni 2023. godine

I Z V J E Š T A J O REZULTATIMA JAVNE RASPRAVE O NACRTU ZAKONA O IZMJENAMA I DOPUNAMA ZAKONA O RUDARSTVU

Skupština Kantona Sarajevo na 54. Radnoj sjednici održanoj dana 31.10.2022. godine, Zaključkom broj: 01-02-44723/22 od 31.10.2022. godine, utvrdila je Nacrt Zakona o izmjenama i dopunama Zakona o rudarstvu. U tački 2. navedenog Zaključka utvrđeno je da će se javna rasprava održati u kantonalnim organima, jedinicama lokalne samouprave, naučnim i stručnim ustanovama i trajće 60 dana. Za organizovanje i provođenje javne rasprave Skupština Kantona Sarajevo je zadužila Vladu Kantona Sarajevo, koja je nakon provedene javne rasprave obavezna da Skupštini Kantona Sarajevo podnese Izvještaj o rezultatima javne rasprave. Izvještaj treba da sadrži primjedbe, prijedloge, mišljenja i sugestije, kao i obrazloženje razloga zbog kojih pojedine primjedbe, prijedlozi, mišljenja i sugestije nisu prihvaćeni u pripremi Prijedloga Zakona o izmjenama i dopunama Zakona o rudarstvu.

Ministarstvo privrede Kantona Sarajevo dostavilo je Službi za skupštinske poslove spisak subjekata za javnu raspravu o Nacrtu Zakona o izmjenama i dopunama Zakona o rudarstvu i to:

1. Vlada Kantona Sarajevo - Premijer;
2. Svim ministarstvima Kantona Sarajevo;
3. Predsjedavajući Skupštine Kantona Sarajevo;
4. Zamjenik predsjedavajućeg Skupštine Kantona Sarajevo - Vibor Handžić;
5. Zamjenica predsjedavajućeg Skupštine Kantona Sarajevo - Danijela Kristić;
6. Zamjenica predsjedavajućeg Skupštine Kantona Sarajevo - Smiljana Viteškić;
7. Sekretar Skupštine Kantona Sarajevo;
8. Sekretar Vlade Kantona Sarajevo;
9. Grad Sarajevo;
10. Svim općinama Kantona Sarajevo;
11. Kantonalna uprava za inspekcijske poslove Kantona Sarajevo, Sarajevo, Dalmatinska 2;
12. Zavod za planiranje razvoja Kantona Sarajevo, Sarajevo, Branilaca Sarajeva 26;
13. Zavod za izgradnju Kantona Sarajevo, Sarajevo, Kaptol 3;
14. Federalno ministarstvo energije, rudarstva i industrije, Mostar, Alekse Šantića b.b.,
15. Federalni zavod za geologiju, Ilidža, Ustanička 11,
16. Komisija za koncesije Federacije BiH, Sarajevo, Zagrebačka 41 b;
17. Univerzitet u Sarajevu, Sarajevo, Obala Kulina Bana 7/II;
18. Univerzitet u Sarajevu, Građevinski fakultet, Sarajevo, Patriotske lige 30;
19. Univerzitet u Tuzli, Rudarsko-geološko-građevinski fakultet, Tuzla, Univerzitetska 2;
20. Privredna/Gospodarska komora Federacije BiH, Sarajevo, Branislava Đurđeva 10.

Pismene primjedbe, prijedloge, mišljenja i sugestije na Nacrt Zakona o izmjenama i dopunama Zakona o rudarstvu dostavili su slijedeći subjekti:

1. Pravobranilaštvo Kantona Sarajevo;
2. Ministarstvo unutrašnjih poslova Kantona Sarajevo;

3. Općina Ilidža, općinski načelnik, Služba za privredu i turizam;
4. Federalno ministarstvo energije, rudarstva i industrije.

PRIMJEDBE, PRIJEDLOZI, MIŠLJENJA I SUGESTIJE

1. Pravobranilaštvo Kantona Sarajevo

Pravobranilaštvo Kantona Sarajevo je dostavilo Ministarstvu privrede Kantona Sarajevo akt, broj: M-106/22 od 31.05.2022. godine u kojem je navedeno da s obzirom da se predmetnim Nacrtom Zakona ne regulišu imovinsko-pravna pitanja, a za koje je shodno odredbama člana 3. stav (4) Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17-Dруги novi prečišćeni tekst i 2/18-Ispravka) nosilac izrade dužan prethodno pribaviti mišljenje Pravobranilaštva Kantona u skladu sa Zakonom o pravobranilaštvu, to se Pravobranilaštvo shodno navedenim odredbama ne može očitovati.

STAV PREDLAGAČA

Mišljenje se prihvata

S obzirom da je Pravobranilaštvo Kantona Sarajevo dostavilo mišljenje na Nacrt Zakona o izmjenama i dopunama Zakona o rudarstvu, u kojem nisu navedene primjedbe i sugestije na predmetni Nacrt, mišljenje Pravobranilaštva Kantona Sarajevo se prihvata.

2. Ministarstvo unutrašnjih poslova Kantona Sarajevo

Ministarstvo unutrašnjih poslova Kantona Sarajevo je putem Službe za skupštinske poslove Kantona Sarajevo dostavilo Ministarstvu privrede Kantona Sarajevo akt, broj: 01-9-02-6295/22 od 05.12.2022. godine, u kojem aktu je navedeno da Ministarstvo unutrašnjih poslova Kantona Sarajevo uključujući Upravu policije Ministarstva unutrašnjih poslova Kantona Sarajevo, nema primjedbi, prijedloga, mišljenja i sugestija na tekst Nacrta Zakona o izmjenama i dopunama Zakona o rudarstvu.

STAV PREDLAGAČA

Mišljenje se prihvata

S obzirom da je Ministarstvo unutrašnjih poslova Kantona Sarajevo dostavilo mišljenje na Nacrt Zakona o izmjenama i dopunama Zakona o rudarstvu u kojem nisu navedene primjedbe i sugestije na predmetni Nacrt, mišljenje Ministarstva unutrašnjih poslova Kantona Sarajevo se prihvata.

3. Općina Ilidža, općinski načelnik, Služba za privredu i turizam

Općina Ilidža, općinski načelnik, Služba za privredu i turizam je putem Službe za skupštinske poslove Kantona Sarajevo dostavila Ministarstvu privrede Kantona Sarajevo akt, broj: 05-11-7703/22 od 09.11.2022. godine, u kojem aktu je navedeno da je Općina Ilidža, općinski načelnik, Služba za privredu i turizam, nakon razmatranja Nacrta zakona o izmjenama i dopunama Zakona o rudarstvu konstatovala - da nema prijedloga na ovaj Nacrt zakona.

STAV PREDLAGAČA

Mišljenje se prihvata

S obzirom da je Općina Ilidža, općinski načelnik, Služba za privredu i turizam dostavila mišljenje na Nacrt Zakona o izmjenama i dopunama Zakona o rudarstvu, u kojem nisu navedene primjedbe i sugestije na predmetni Nacrt, mišljenje Općine Ilidža, općinskog načelnika, Služba za privredu i turizam se prihvata.

4. Federalno ministarstvo energije, rudarstva i industrije

Federalno ministarstvo energije, rudarstva i industrije je putem Službe za skupštinske poslove Kantona Sarajevo dostavilo akt Federalnog ministarstva energije, rudarstva i industrije, broj: 06-02-1-76/23 od 16.01.2023. godine, u kojem je navelo sljedeće mišljenje na Nacrt Zakona o izmjenama i dopunama Zakona o rudarstvu:

"Nakon izvršene analize Nacrta Zakona o izmjenama i dopunama Zakona o rudarstvu Kantona Sarajevo dostavljamo vam sljedeće:

Član 1.

Prijedlog za izmjenu i dopunu člana 2. koji glasi:

Tačka 11. pod bušotinskom eksploatacijom mineralnih sirovina smatraju se metode izvođenja rudarskih radova na pripremi, otvaranju, bušenju eksploatacionih bušotina, iznošenju mineralne sirovine kroz bušotinu bilo originalnom energijom koja je pohranjena u ležištu ili unošenjem energije, odnosno ubrizganog medija sa površine terena u ležište te deponovanje, prerada i transport mineralne sirovine.

Član 2.

Prijedlog za izmjenu stava (1) koji glasi:

(1) Upravljanje mineralnim sirovinama obuhvata sve postupke i radnje potrebne za optimalnu eksploataciju i korištenje mineralnih sirovina koje će vršiti kantonalna vlast uz osiguranje njihovog racionalnog iskorištenja u skladu sa propisima o sigurnosti rudarskih objekata i zaposlenih i o zaštiti okoliša i prirodnih vrijednosti.

Član 3.

Prijedlog za izmjenu člana 51 koji glasi:

(Privremena obustava)

(1) Privremenu obustavu rudarskih radova koja je iznenada nastupila na eksploataciji mineralnih sirovina zbog rudarskih ili privrednih razloga, privredno društvo ili izvođač rudarskih radova dužno je prijaviti Ministarstvu i nadležnoj rudarskoj inspekciji u roku od 24 sata nakon obustave radova, a o ponovnom početku rudarskih radova mora pisanim putem obavijestiti navedene organe najmanje osam dana prije početka izvođenja radova.

(2) Pojavu opasnosti pa živote i zdravlje radnika privredno društvo, odnosno izvođač rudarskih radova mora odmah prijaviti Ministarstvu i nadležnoj rudarskoj inspekciji.

(3) Privremenu planiranu obustavu radova privredno društvo ili izvođač rudarskih radova dužno je prijaviti Ministarstvu i nadležnoj rudarskoj inspekciji najmanje osam dana prije obustave radova. Postupak je isti kod ponovnog početka radova.

(4) Ako obustava radova iz st. (1) i (3) ovog člana traje duže od 30 dana, privredno društvo ili izvođač rudarskih radova dužan je:

a) izvršiti mjerenja stanja i dopuniti rudarske planove - karte;

b) sačiniti zapisnik sa obrazloženjem o uzrocima obustave radova i opasnostima koje su uzrokovale obustavu, i

c) pripremiti plan mjera i aktivnosti radi sprečavanja nastajanja opasnosti koje se mogu pojaviti kod ponovnog otpočinjanja radova.

(5) Za vrijeme privremene obustave izvođenja radova privredno društvo, odnosno izvođač rudarskih radova dužno je osigurati redovno održavanje svih rudarskih prostorija i objekata, spriječiti nastajanje šteta i osigurati kretanje radnika bez opasnosti po njihov život i zdravlje.

(6) Prije puštanja u rad privremeno obustavljenih rudarskih radova privredno društvo, odnosno izvođač rudarskih radova dužan je putem komisije u kojoj je obavezno prisutan i nadležni rudarski inspektor osim u slučaju kada privremeni prekid traje manje od 30 dana, izvršiti pregled i utvrditi da li su osigurani sigurni uslovi za nastavak radova.

(7) Privremeni prekid rudarskih radova je prekid koji traje više od 30 dana i ne duže od jedne godine, osim više sile.

(8) Ako privremeni prekid zbog više sile traje duže od jedne godine, privredno društvo dužno je donijeti procjenu o mogućem trajanju prekida i o tome ponovo pisano Ministarstvo i nadležnu rudarsku inspekciju. Prije ponovnog ulaska u rudarske objekte i nastavka obustavljenih rudarskih radova privredno društvo dužno je sačiniti Plan sanacije rudarskih objekata.

Član 3.

Prijedlog za izmjenu člana 77 koji glasi:

(3) Poslove rudarskog inspektora (u daljem tekstu: inspektor) može obavljati lice koje ima visoku stručnu spremu odgovarajućeg smjera (rudarskog, mašinskog, elektrotehničkog) ili visoko obrazovanje prvog ciklusa Bolonjskog sistema studiranja (koji se vrednuje s 240 ECTS bodova) drugog ili trećeg ciklusa Bolonjskog sistema studiranja odgovarajućeg smjera, najmanje tri godine radnog iskustva na poslovima tehničkog rukovođenja u privrednim društvima koja se bave eksploatacijom mineralnih sirovina, položen stručni ispit za tehničko rukovođenje u rudarstvu i koje ispunjava uslove iz člana 33. Zakona o inspekcijama Federaciji BiH.

Član 4.

Prijedlog za dopunu člana 94 (Prekršaji):

r) ako ne provede propisane mjere zaštite na radu i mjere za sigurnost građana i imovine (čl.17., 50. i član 53. stav (1));

s) ako obavljaju poslove periodične preglede sredstava rada i sredstava i opreme lične zaštite pri radu, periodične preglede i ispitivanja fizičkih, hemijskih i bioloških štetnosti i mikroklimu u radnim i pomoćnim prostorijama i izdavanje odgovarajućih isprava u rudarstvu, a ne ispunjavaju uslove propisane ovim Zakonom (član 49.);

t) koje povjeri izradu tehničke dokumentacije ili reviziju projekata ili vršenje periodičnih pregleda sredstava rada i sredstava i opreme lične zaštite pri radu, periodične preglede i ispitivanja fizičkih, hemijskih i bioloških štetnosti i mikroklimu u radnim i pomoćnim prostorijama i izdavanje odgovarajućih isprava u rudarstvu ili izvođenja rudarskih radova privrednom društvu ili drugom pravnom licu koje ne ispunjava uslove propisane ovim Zakonom".

STAV PREDLAGAČA

Primjedbe i prijedlozi se djelimično prihvataju

Prijedlog za izmjenu i dopunu člana 1. Nacrta Zakona o izmjenama i dopunama Zakona o rudarstvu se ne prihvata.

Obrazloženje

Prijedlog za izmjenu i dopunu člana 1. Nacrta Zakona o izmjenama i dopunama Zakona o rudarstvu se ne prihvata, iz razloga što su u članu 1. stav (1) Nacrta Zakona o izmjenama i dopunama Zakona o rudarstvu na sveobuhvatan način, uvažavajući stavove i iskustva rudarske nauke, struke i prakse, definisani pojmovi vađenje mineralne sirovine i bušotinska eksploatacija.

Prijedlog za izmjenu člana 2. stav (1) Nacrta Zakona o izmjenama i dopunama Zakona o rudarstvu prihvata se.

Obrazloženje

Ovaj prijedlog za izmjenu se smatra opravdanim, jer se predmetnim prijedlogom detaljnije definiše upravljanje mineralnim sirovinama u skladu sa propisima o sigurnosti rudarskih objekata i zaposlenih i o zaštiti okoliša i prirodnih vrijednosti.

Prijedlog za izmjenu člana 17. Nacrta Zakona o izmjenama i dopunama Zakona o rudarstvu se ne prihvata.

Obrazloženje

Prijedlog za izmjenu člana 17. Nacrta Zakona o izmjenama i dopunama Zakona o rudarstvu se ne prihvata iz razloga što je navedenim članom Nacrta Zakona o izmjenama i dopunama Zakona o rudarstvu na adekvatan način propisana privremena obustava radova.

Prijedlog za izmjenu člana 25. Nacrta Zakona o izmjenama i dopunama Zakona o rudarstvu se ne prihvata.

Obrazloženje

Ovaj prijedlog za izmjenu se ne prihvata iz razloga što je članom 25. Nacrta Zakona o izmjenama i dopunama Zakona o rudarstvu propisano koje uslove mora ispunjavati rudarski inspektor.

Prijedlog za dopunu člana 27. st. (8) i (9) Nacrta Zakona o izmjenama i dopunama Zakona o rudarstvu se djelimično prihvata.

Obrazloženje

Smatra se opravdanim da se u stavu (8) ovog člana iza tačke p) dodaju nove tačke: r) i s) koje glase: "r) ako obavljaju poslove periodičnih pregleda oruđa za rad i uređaja i ispitivanje fizičkih, hemijskih i bioloških uticaja i izdavanja odgovarajućih isprava o rudarstvu, a ne ispunjavaju propisane uslove (član 43.);

s) koje povjeri izradu tehničke dokumentacije ili reviziju projekata privrednom društvu ili drugom pravnom licu koje ne ispunjava propisane uslove (čl. 63. i 65.) ili koje povjeri vršenje periodičnih pregleda oruđa za rad i uređaja i ispitivanje fizičkih, hemijskih i bioloških uticaja i izdavanje odgovarajućih isprava o rudarstvu privrednom društvu ili drugom pravnom licu, koje ne ispunjava propisane uslove (član 43.) ili povjeri izvođenje rudarskih radova privrednom društvu ili drugom pravnom licu koje ne ispunjava propisane uslove (član 11.); i". U stavu (9) istog člana dosadašnja tačka: "p)" postaje tačka: "t)".

Prijedlog za dopunu člana 27. stav (8) koji se odnosi na mjere zaštite na radu i mjere za sigurnost građana i imovine (čl. 17., 50. i član 53. stav (1)) se ne prihvata.

Obrazloženje

Predmetni prijedlog za dopunu se ne prihvata iz razloga što su prekršajne mjere za privredna društva koja ne provode propisane mjere zaštite na radu i mjere za sigurnost građana i imovine, te ne vrše sanaciju i rekultivaciju propisane izmjenama i dopunama člana 27. stav (3) Nacrta Zakona o izmjenama i dopunama Zakona o rudarstvu, odnosno članom 94. stav (1) tačka l) Zakona o rudarstvu.



**EKONOMSKO - SOCIJALNO VIJEĆE
ZA PODRUČJE KANTONA SARAJEVO
SARAJEVO**

Broj: 13-04-34210-2.1/23
Sarajevo, 31.07.2023. godine

- **VLADA KANTONA SARAJEVO**
n/r gosp. Nihad Uk, premijer
- **Gosp. Franjo Rener, potpredsjednik ESV KS**
Savez samostalnih sindikata BiH – Kantonalni odbor Kanton Sarajevo
Ul. Obala Kulina bana br. 1, 71000 Sarajevo
- **Ministarstvo za rad, socijalnu politiku, raseljena lica i izbjeglice Kantona Sarajevo**
n/r Enda Pavić Pečenković, predsjednica ESV KS
- **Savez samostalnih sindikata BiH – Kantonalni odbor Kanton Sarajevo**
gosp. Franjo Rener, potpredsjednik ESV KS
Ul. Obala Kulina bana br. 1, 71000 Sarajevo
- **Udruženje poslodavaca Kantona Sarajevo**
Dr.sc. Safudin Čengić, potpredsjednik
Ul. Maršala Tita 6 , 71000 Sarajevo
- **Ministarstvo privrede Kantona Sarajevo**
-OVDJE- ✓

Predmet: Zaključak Ekonomsko – socijalnog vijeća za područje Kantona Sarajevo, dostavlja se

U prilogu se dostavlja Zaključak Ekonomsko – socijalnog vijeća za područje Kantona Sarajevo, donijet na 8. vanrednoj (elektronskoj) sjednici Ekonomsko - socijalnog vijeća za područje Kantona Sarajevo, održanoj 31.07.2023. godine.

S poštovanjem,

Dostaviti:

1. Naslovu x6
2. a/a





EKONOMSKO - SOCIJALNO VIJEĆE ZA PODRUČJE KANTONA SARAJEVO SARAJEVO

Broj: 13-01-04-34210-2/23
Sarajevo, 31.07.2023. godine

U skladu sa članom 3. Sporazuma o osnivanju Ekonomsko - socijalnog vijeća za područje Kantona Sarajevo br. 02-05-33200-19.1/05 od 03.02.2006. godine, 02-05-21020-16.1/11 od 30.06.2011. godine i 02-05-23316-25/16 od 14.07.2016. godine i članom 23. Poslovnika o radu Ekonomsko - socijalnog vijeća za područje Kantona Sarajevo br. 01-69-4-50/18 od 17.07.2018. godine, 01-73-6-29-1/19 od 15.05.2019. godine i 13-01/2-04-4151-5/21 od 23.02.2021. godine, Ekonomsko - socijalno vijeće za područje Kantona Sarajevo je donijelo sljedeći:

ZAKLJUČAK

1. Ekonomsko - socijalno vijeće za područje Kantona Sarajevo podržava aktivnosti Ministarstva privrede Kantona Sarajevo i Vlade Kantona Sarajevo na donošenju Zakona o izmjenama i dopunama Zakona o rudarstvu, s tim što Vijeće traži od Vlade Kantona Sarajevo da razmotri sve ono što je istaknuto kroz diskusiju i da u postupku donošenja zakona uvrsti ono što je prihvatljivo u konačan tekst Zakona.



Dostaviti:

1. Premijer Kantona Sarajevo,
2. Predsjednica ESV KS,
3. Potpredsjednici ESV KS (X2),
4. Savez samostalnih sindikata BiH - Kantonalni odbor Kanton Sarajevo,
5. Udruženje poslodavaca Kantona Sarajevo,
6. Ministarstvo privrede Kantona Sarajevo,
7. A/a.

Broj: 09-02-29940/23
Sarajevo, 04.07.2023. godine

KANTON SARAJEVO
MINISTARSTVO PRIVREDE

PREDMET: Mišljenje na prijedlog Zakona o izmjenama i dopunama Zakona o rudarstvu.-

Na osnovu člana 3. stav (1) tačka b) Uredbe o osnivanju Ureda za zakonodavstvo Vlade Kantona Sarajevo ("Službene novine Kantona Sarajevo", broj 20/23) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17-Dруги нови преčišćени текст, 2/18-Ispravka i 32/22), Ured za zakonodavstvo Vlade Kantona Sarajevo, daje slijedeće

MIŠLJENJE

1. Ured za zakonodavstvo Vlade Kantona Sarajevo nema primjedbi na dostavljeni tekst prijedloga Zakona o izmjenama i dopunama Zakona o rudarstvu (u daljem tekstu: Zakon) po pitanju njegove usklađenosti sa odredbama ustava, kao i odredbama Zakona o rudarstvu Federacije Bosne i Hercegovine ("Službene novine Federacije Bosne i Hercegovine", broj 26/10)(u daljem tekstu: Federalni zakon).

Vezano za odredbe člana 1. stav (3) prijedloga Zakona u kojima su definisani pojedini izrazi stručne prirode za njihovu tačnost i zakonitost odgovara nosilac pripreme predmetnog materijala, s obzirom da isti nisu definisani Federalnim zakonom.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Други нови преčišćени текст, 2/18-Ispravka i 32/22), te se isti može razmatrati na jednoj od narednih sjednica Vlade Kantona Sarajevo.

Dostaviti:

1. Naslovu
2. Evidencija
3. Arhiva



ADRIAN BISIĆ, dipl. pravnik



Bosnia and Herzegovina
Federation of Bosnia and Herzegovina
CANTON SARAJEVO
Public Defender's Office of Sarajevo Canton

6790

Broj: M-111/23
Sarajevo, 29.06.2023. godine

Bosna i Hercegovina
Federacija Bosne i Hercegovine
KANTON SARAJEVO
Ministarstvo privrede

Bosna i Hercegovina
Federacija Bosne i Hercegovine
KANTON SARAJEVO

PRIJELAZNO:		29-06-2023	
04	U	08077-2	21

Veza: Vaš akt broj: 07-04-14-38077-9/21 od, 20.06.2023. godine

Aktom broj i datum veze, koji je zaprimljen u Pravobranilaštvu Kantona Sarajevo dana 23.06.2023. godine, obratili ste se sa zahtjevom kojim tražite mišljenje ovoga organa na Prijedlog zakona o izmjenama i dopunama Zakona o rudarstvu a u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo broj 50/17-Drugi novi prečišćeni tekst i 2/18 i 32/22).

Uvidom u član 4. stav (1) pod c). Uredbe o postupku i načinu pripremanja, izrade i dostavljanja propisa ("Službene novine Kantona Sarajevo broj 50/17-Drugi novi prečišćen tekst i 2/18 i 32/22), predviđeno je slijedeće:

"Ukoliko se propisom regulišu imovinsko-pravna pitanja nosilac izrade dužan je predhodno pribaviti mišljenje Pravobranilaštva Kantona, u skladu sa Zakonom o pravobranilaštvu."

Kako se predmetnim Prijedlogom Zakona ne regulišu imovinsko-pravna pitanja, to se ovo Pravobranilaštvo, a shodno gore navedenim propisima, ne može očitovati po istom.

Za sve informacije vezane za traženi zahtjev stojimo Vam na raspolaganju.

v.d. PRAVOBRANILAC KANTONA SARAJEVO



<http://pb.ks.gov.ba>, e-mail: pb@pb.ks.gov.ba
Tel/fax: +387(0)33 214-033, +387(0)33 666-614 +387(0)33 226-024
Sarajevo, Branilaca Sarajeva 21



Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance

Broj: 08/03-02-29932/23 NB
Sarajevo, 26.06.2023. godine

KANTON SARAJEVO
MINISTARSTVO PRIVREDE

Predmet: Mišljenje na Prijedlog zakona o izmjenama i dopunama Zakona o rudarstvu.

Veza: Vaš dopis, broj: 07-04-14-38077-11/21 od 20.06.2023. godine.

Vezano za Vaš zahtjev za mišljenje na Prijedlog zakona o izmjenama i dopunama Zakona o rudarstvu, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće mišljenje:

Ministarstvo privrede Kantona Sarajevo je postupilo u skladu sa navedenim Pravilnikom i Ministarstvu finansija uz Prijedlog zakona dostavilo na mišljenje popunjen i potpisan obrazac IFP-NE u kojem je data sljedeća izjava: „Za realizaciju ovog Zakona nisu potrebna dodatna sredstva iz Budžeta Kantona Sarajevo“.

Obzirom da za provođenje Prijedloga zakona nisu potrebna dodatna sredstva iz Budžeta Kantona Sarajevo, na navedeni Prijedlog zakona o izmjenama i dopunama Zakona o rudarstvu, Ministarstvo finansija, sa aspekta fiskalnog učinka na Budžet, **nema primjedbi**.

Ovo mišljenje je dato u skladu sa odredbama Prijedloga zakona koji se obrađuje i podataka navedenih u Obrascu IFP-NE Izjave o fiskalnoj procjeni, čija tačnost je u isključivoj odgovornosti Predlagača, te ukoliko se naknadno utvrdi da navedene odredbe i podaci odstupaju od stvarno činjeničnog stanja, ovo mišljenje će se staviti van snage.



Dostaviti:

1. Naslovu
2. MF-Sektor za budžet i fiskalni sistem
3. a/a

Pripremio: Nedžad Bašić, dipl.ecc
Kontrolisala: Amina Moćević, mr.



Adresa: Maršala Tita 62, 71 000 Sarajevo
Tel: + 387 (0) 33 565-005, Fax: + 387 (0) 33 565-052
Web: <http://mf.ks.gov.ba>, E-mail: mf@mf.ks.gov.ba

1/1

Broj: 03-04-02-35325/23
Sarajevo, 15.08.2023. godine

MINISTARSTVO PRIVREDE
gosp. Zlatko Mijatović, ministar

PREDMET: Prijedlog Zakona o izmjenama i dopunama Zakona o rudarstvu, mišljenje –

VEZA: Vaš akt, broj: 07-04-14-38077-15/21 od 08.08.2023. godine

Postupajući po Vašem aktu, broj i datum gornji, na osnovu odredbi člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) i člana 16. stav (2) Uredbe o procjeni uticaja propisa u Kantonu Sarajevo ("Službene novine Kantona Sarajevo", broj 29/22), Ministarstvo pravde i uprave, kao kontrolni organ, razmotrilo je Prijedlog Zakona o izmjenama i dopunama Zakona o rudarstvu i Obrazac za provođenje sveobuhvatne procjene uticaja propisa, te daje sljedeće

MIŠLJENJE

Prijedlog Zakona o izmjenama i dopunama Zakona o rudarstvu je propis kojim se ne povrjeđuju prava zaštićena odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima, kojima je utvrđena zaštita ljudskih prava i sloboda.

Ministarstvo pravde i uprave Kantona Sarajevo nema primjedbi u pogledu provedene procjene uticaja zakona na zaštitu ljudskih prava i sloboda.

S poštovanjem,

Dostaviti:

1. Naslovu;
2. a/a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-083. Fax: + 387 (0) 33 562-241
Web: <http://mpu.ks.gov.ba>. E-mail: mpu@mpu.ks.gov.ba

1/1



SLUŽBENE NOVINE KANTONA SARAJEVO

Godina XVII – Broj 29

Utorak, 19. juna 2012. godine
S A R A J E V O

ISSN 1512-7052

KANTON SARAJEVO

Skupština Kantona

Na osnovu čl. 18. tačka b) i 38. stav (3) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici održanoj dana 19.06.2012. godine, donijela je

ZAKON

O IZMJENAMA ZAKONA O IZVRŠAVANJU BUDŽETA KANTONA SARAJEVO ZA 2012. GODINU

Član 1.

U Zakonu o izvršavanju Budžeta Kantona Sarajevo za 2012. godinu ("Službene novine Kantona Sarajevo", broj 33/11) član 29. mijenja se i glasi:

"Član 29.

Ministarstvo finansija dužno je podnositi Vladi tromjesečne finansijske izvještaje u roku od 30 dana po isteku obračunskog perioda".

Član 2.

U članu 30. stav (2) mijenja se i glasi:

"(2) U skladu sa Pravilnikom o finansijskom izvještavanju i godišnjem obračunu budžeta u Federaciji BiH, budžetski korisnici periodične finansijske izvještaje podnose ministru finansija, u roku od 20 dana po isteku obračunskog perioda".

Član 3.

Ovaj Zakon stupa na snagu narednog dana od dana objavljivanja u "Službenim novinama Kantona Sarajevo".

Broj 01-02-20588/12
19. juna 2012. godine
Sarajevo

Predsjedavajuća
Skupštine Kantona Sarajevo
Prof. dr. Mirjana Malić, s. r.

Na osnovu čl. 13. (i) i 18. (b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04) i člana 122. Zakona o rudarstvu Federacije Bosne i Hercegovine ("Službene novine Federacije Bosne i Hercegovine", broj 26/10), Skupština Kantona Sarajevo, na sjednici održanoj dana 19.06.2012. godine, donijela je

ZAKON

O RUDARSTVU

I. OPĆE ODREDBE

Član 1.

(Predmet Zakona)

- (1) Ovim Zakonom uređuje se pravni status rudnog blaga, odnosno mineralnih sirovina, način i uslovi upravljanja mineralnim sirovinama, zaštita, izvođenje rudarskih radova, mjere zaštite na radu, obustava izvođenja i trajni prekid rudarskih radova, tehnička dokumentacija i projektovanje, rudarska mjerenja i rudarski planovi, inspekcijski nadzor, zaštita i uređenje prostora, kaznene odredbe i druga pitanja vezana uz upravljanje mineralnim sirovinama na području Kantona Sarajevo (u daljnjem tekstu: Kanton).
- (2) Rudno blago je dobro od općeg interesa i pod posebnom je zaštitom.

Član 2.

(Značenje izraza)

- (1) Izrazi upotrijebljeni u ovom Zakonu imaju sljedeća značenja:
 1. mineralne sirovine su neobnovljiva i obnovljiva prirodna bogatstva koja je moguće neposredno ili posredno privredno koristiti;
 2. upravljanje mineralnim sirovinama obuhvata sve postupke i radnje potrebne za (optimalnu) eksploataciju i korištenje mineralnih sirovina;
 3. rudnik je ograničeni zemljišni prostor gdje se vrši eksploatacija mineralnih sirovina uključujući opremu, mašine, zgrade, građevinsku infrastrukturu, deponije, odlagališta, skladišta i druge objekte potrebne za izvođenje rudarskih radova;
 4. rudnik u pravnom smislu je privredno društvo čija je osnovna djelatnost eksploatacija mineralnih sirovina;
 5. rudarski objekt je objekt u eksploatacionom polju na površini zemlje namijenjen eksploataciji mineralnih sirovina i izvođenju drugih rudarskih radova koji nisu direktno vezani uz eksploataciju mineralnih sirovina;
 6. rudarska infrastruktura su objekti rudnika potrebni od početka do završetka radova na eksploataciji mineralnih sirovina (pristupni putevi, elektrouredaji i objekti, objekti vodosnabdijevanja, zgrade za ljude i opremu i dr.);
 7. prostor za otkopavanje je prostor na površini zemlje, sastoji se od zemljišta za pristup i zemljišta određenog za eksploataciju mineralnih sirovina, označen graničnim

- linijama između određenih geografskih koordinata povezanih na geodetsku mrežu;
8. plan - karta rudničkog prostora je katastarska karta u propisanom mjerilu sa označenim granicama i brojevima parcela, koja na početku eksploatacije ne smije biti starija od šest mjeseci i mora se najmanje jednom godišnje dopunjavati;
 9. eksploatacija je vadenje mineralne sirovine iz ležišta i njena prerada ili oplemenjivanje;
 10. vadenje obuhvata sve potrebne radnje da se dode do mineralne sirovine u ležištu - otvaranje, priprema za otkopavanje, otkopavanje i doprema na obogaćivanje i/ili skladištenje;
 11. bušotinska eksploatacija uključuje sve potrebne radnje da se ležište pripremi za crpljenje, da se crpljenje izvede i mineralna sirovina uključi u preradu;
 12. prerada ili oplemenjivanje mineralnih sirovina, prema ovom Zakonu, jeste odabiranje, sortiranje, odobljenje, mljevenje i sušenje mineralne sirovine, odvajanje korisnog minerala od prateće jalovine, te odvajanje pojedinih mineralnih komponenata;
 13. skladištenje uključuje sve potrebne radnje za uskladištenje mineralnih sirovina u čvrstom, rasutom, tekućem i gasovitom stanju;
 14. rekultivacija napuštenih i eksploatacionih prostora, uključuje sve radnje koje je potrebno izvršiti na rudničkom prostoru u cilju završne sanacije i revitalizacije površina degradiranih rudarskim radovima u skladu sa rudarskim projektom;
 15. eksploataciono polje je dio zemljine površine ograničeno pravim linijama, prirodnim ili vještačkim granicama koje se prostiru do određene dubine zemlje između vertikalnih ravni položenih kroz te granice, sa označenim tačkama i definiranim koordinatama;
 16. geološka sredina za skladištenje ugljovodnika je poseban oblik skladišta koji se izrađuje u kompaktnom i neraspucalom stijenskom masivu;
 17. geotermalni energetski izvor je izvor toplote uslovljen zemljinom toplotom koja se odražava kroz termalne fluide i toplotni efekt stijena;
 18. sigurnosni stub je zaštitno područje gdje nije dozvoljeno otkopavanje mineralnih sirovina, kojim se zaštićuju podzemni i površinski objekti i dobra od općeg interesa;
 19. metoda otkopavanja je niz tehničkih postupaka, mjera, procesa i redoslijeda radnji kod otkopavanja mineralnih sirovina sa rudarskim radovima u okviru konstrukcijski određenih elemenata otkopnog polja ili otkopnog radilišta;
 20. jama je rudarski objekt sa podzemnim načinom eksploatacije;
 21. postrojenje je skup uređaja i instalacija povezanih u funkcionalnu cjelinu kod kojih zajednička funkcija služi istom zajedničkom cilju;
 22. otkopno polje ili revir je ograničeno područje za otkopavanje sa zasebnim ulaznim i izlaznim komunikacijskim putevima i putevima za zračnu struju sa specifičnim konstrukciono određenim elementima, koje se može podijeliti na blokove, etaže, horizonte i pojedinačna radilišta;
 23. otkopno radilište je dio otkopnog polja gdje se izvode radovi. Radilišta imaju svoj naziv;
 24. klasifikacija i kategorizacija mineralnih sirovina je postupak kojim se mineralne sirovine razvrstavaju u klase i kategorije prema osobinama, mogućnostima primjene, izdašnostima, stepenu istraženosti i ekonomske opravdanosti;
 25. rezerve mineralnih sirovina su količine mineralnih sirovina utvrđene u ležištu;
 26. pojave mineralnih sirovina su mineralne sirovine koje nisu dovoljno istražene ili izdašne za ekonomičnu eksploataciju;
 27. rudno blago su sve mineralne sirovine iz člana 4. ovog zakona koje se eksploatišu pod uslovima i na način propisan ovim Zakonom;
 28. pristupno zemljište je zemljište preko kojeg je moguć pristup do prostora za eksploataciju;
 29. pojava opasnosti je svaka pojava u procesu eksploatacije mineralnih sirovina i drugih radova koja ugrožava zdravlje i život ljudi, imovinu i okoliš;
 30. rudarska metoda iskopa i ugradnja osnovne podgrade pri izradi podzemnih rudarskih prostorija je metoda koja omogućava stabilnost i samonosivost prostora osiguranog osnovnom podgradom;
 31. rudarski radovi su radovi koji se izvode u svrhu istraživanja i eksploatacije mineralnih sirovina;
 32. rudarska metoda rada je metoda kod koje se primjenjuje tehnologija određena tehničkim propisima i propisima iz oblasti zaštite na radu u rudarstvu;
 33. jedinica mjere mineralne sirovine u čvrstom stanju je kubni metar mineralne sirovine u ležištu;
 34. čvrsto stanje mineralne sirovine podrazumijeva primarno stanje mineralne sirovine u ležištu;
 35. površinski kop je rudarski objekt sa površinskim načinom eksploatacije mineralnih sirovina;
 36. podzemno spremište je ureden prostor za podzemno spremanje gasova, tečnosti (osim vode) i čvrstih materija;
 37. izvođač je privredno društvo koje ima odobrenje nadležnog organa za izvođenje rudarskih radova ili pojedinih tehnoloških cjelina;
 38. izvođač rudarskih i drugih radova je privredno društvo koje je upisano u sudski registar i koje je organu nadležnom za inspekcijski nadzor dostavilo obavještenje o početku obavljanja djelatnosti i ispunjavanju uslova tehničke opremljenosti, zaštite na radu, zaštite i unapređenja životne sredine i drugih uslova propisanih za obavljanje te ili tih djelatnosti;
 39. rudničke vode su vode koje se nalaze na prostoru gdje se vrši ili je završena eksploatacija mineralnih sirovina, odlagalištima iskopanog zemljanog materijala, jalovištima i koje se dreniraju u susjedna vodna tijela uključujući površinske vodne tokove, podzemne vode, jezera, močvare i more.

Član 3.

(Svrha Zakona)

Svrha ovog Zakona je upravljanje mineralnim sirovinama s ciljem:

- a) postizanja racionalne i održive eksploatacije mineralnih sirovina;
- b) postizanja društvenog i privrednog razvoja;
- c) zaštite rudnog blaga;
- d) osiguranja učestvovanja javnosti u donošenju odluka koje se odnose na rudna bogatstva; i
- e) upravljanje mineralnim sirovinama obuhvata sve postupke i radnje potrebne za optimalnu eksploataciju i korištenje mineralnih sirovina koje će vršiti kantonalna vlast.

Član 4.

(Mineralne sirovine i upravljanje mineralnim sirovinama)

- (1) Mineralnim sirovinama, u smislu ovog Zakona, smatraju se sve organske i neorganske mineralne sirovine koje se nalaze u čvrstom stanju, u primarnom obliku (ležištu) ili u nanosima, jalovištima, topioničkim troskama i prirodnim rastvorima i to:

- a) nemetalne mineralne sirovine: abrazivi, azbesti, barit, bentonit, bijeli boksit, cementni laporci, dijamant, dolomit, feldspat, fluorit, gips, grafit, kreda, krečnjak, kvarc, kvarcni pijesak, kvarcit, keramičke i vatrostalne gline, keramziti, škriljci, liskuni, magneziti, opekarske gline, pirofiliti, sumpor, tuč, talk, talkni škriljci, tehničko-građevinski kamen, arhitektonsko-građevinski

- kamen, ukrasno i poludrago kamenje, šljunak i pijesak za građevinarstvo izvan vodenih tokova;
- b) sve sekundarne mineralne sirovine koje se javljaju kao neiskorišteni ostatak dobijanja, obogaćivanja i prerađivanja primarnih mineralnih sirovina i
 - c) sve nenabrojane mineralne sirovine prirodnog porijekla.
- (2) Mineralnim sirovinama iz stava (1) ovog člana upravlja Ministarstvo privrede Kantona Sarajevo (u daljnjem tekstu: Ministarstvo), koje u skladu sa ovim Zakonom programira, planira i nadzire eksploataciju mineralnih sirovina uz osiguranje njihovog racionalnog iskorištenja u skladu sa propisima o sigurnosti rudarskih objekata i zaposlenih i o zaštiti okoliša i prirodnih vrijednosti.

Član 5.

(Rudarska djelatnost)

Rudarska djelatnost, u smislu ovog Zakona, obuhvata: rudarske istražne radove, eksploataciju mineralnih sirovina uključujući otvaranje, pripremanje, otkopavanje, transport, odlaganje, dopremu, prerađivanje i uskladištenje mineralnih sirovina, izradu i reviziju tehničke dokumentacije za tu djelatnost (izvještaji, studije, elaborati, planovi, programi i projekti), sanaciju i tehničku rekultivaciju zemljišta oštećenog rudarskim radovima.

Član 6.

(Rudarski radovi)

Rudarski radovi u smislu ovog Zakona su:

- a) rudarski istražni radovi i radovi na eksploataciji mineralnih sirovina na površini i/ili ispod površine zemlje, u tekućim i stajaćim vodama, u primarnom nalazištu, naplavinama, iskapanom materijalu i jalovištima;
- b) priprema, otvaranje, eksploatacija, uređivanje zemljišta u vrijeme eksploatacije, crpljenje, obogaćivanje, uskladištavanje i sanacija i rekultivacija otkopanih prostora;
- c) ispitivanje novih eksplozivnih sredstava u cilju provjere sigurnosti i upotrebljivosti u rudarstvu;
- d) sve vrste miniranja na površini i/ili ispod zemlje, primarna i sekundarna miniranja i sva masovna miniranja kod otkopnih i drugih rudarskih radova;
- e) odlaganje otkrivke i drugih materijala koji nastaju pri izvođenju rudarskih istražnih radova i eksploataciji mineralnih sirovina;
- f) izrada jamskih karata i karata etaža na površinskim kopovima;
- g) izrada planova odvodnjavanja površinskih kopova i jamskih rudarskih prostorija i njihova zaštita od površinskih i podzemnih voda;
- h) izrada planova sanacije podzemnih prostorija i ugrađivanja osnovne podgrade;
- i) izrada planova provjetravanja, injektiranja i ankerisanja;
- j) izrada tunela, galerija i drugih podzemnih prostorija, nasipa, usjeka, deponija, odlagališta, etažnih puteva, odvodnih kanala i građevinskih objekata rudarskim metodama rada na površini i/ili ispod zemlje, jamskih iskopa kao i podgrađivanja u toku izvođenja rudarskih istražnih radova i eksploatacije mineralnih sirovina i etažnih i drugih puteva u eksploatacionom polju;
- k) eksploatacija geotermalnih energetskih izvora;
- l) rekonstrukcija i održavanje rudarskih prostorija poslije prekida eksploatacije mineralnih sirovina;
- m) crpljenje podzemnih voda - bušotinska eksploatacija, kao i crpljenje podzemnih i površinskih voda, te regulacija vodotoka na površini koji se nalaze unutar ležišta u cilju stvaranja uslova za eksploataciju predmetnog ležišta;
- n) zatvaranje rudarskih objekata, sanacija i rekultivacija zemljišta oštećenog rudarskim radovima;
- o) sanacija i rekultivacija napuštenih istražnih prostora, površinskih kopova i rudnika rudarskim metodama rada i
- p) radovi montaže, demontaže i održavanja u rudarstvu.

Član 7.

(Rudarski objekti i postrojenja)

Rudarski objekti i postrojenja u smislu ovog Zakona su:

- a) objekti i postrojenja u sastavu rudnika neposredno vezani uz tehnološki proces rudarskih istražnih radova, eksploatacije, pripreme, prerađivanja i oplemenjivanje mineralnih sirovina, kao i magacini eksplozivnih sredstava koji se nalaze na površini;
- b) industrijski kolosijeci, viseće žičare, putevi i motorna vozila za prijevoz mineralnih sirovina u ležištu i od ležišta do objekata za prerađivanje ili oplemenjivanje i odlagališta, ukoliko se prijevoz ne vrši javnim putevima, kao i skladišni prostori, radionice rudnika koje služe za remont i održavanje opreme u tehnološkom procesu eksploatacije mineralnih sirovina koje se nalaze u krugu rudnika;
- c) hidrotehnički objekti i postrojenja za odvodnjavanje i zaštitu rudnika od voda;
- d) električna mreža rudnika sa objektima, postrojenjima i uređajima koji su s njom u neposrednoj funkciji ili galvanskoj vezi, kao i mreža i uređaji za sporazumijevanje, signalizaciju, nadzor i upravljanje;
- e) lampare, garderobe sa kupatilima, prostorije stanice za spašavanje i prostorije za smještaj i održavanje samospasioca i instrumenata za kontrolu jamskih gasova i mikroklima.

Član 8.

(Pravo na eksploataciju mineralnih sirovina)

- (1) Pravo na eksploataciju mineralnih sirovina stiče se na osnovu odobrenja za eksploataciju i na osnovu dozvola u skladu sa ovim Zakonom.
- (2) Pravo iz stava (1) ovog člana može se prenijeti na drugo pravno lice uz saglasnost organa koji je to pravo dodijelio.
- (3) Pravo eksploatacije mineralnih sirovina može steći domaće i strano pravno lice pod uslovima i na način propisan ovim Zakonom.

Član 9.

(Eksploataciono polje)

- (1) Eksploatacija mineralnih sirovina dozvoljena je samo unutar granica eksploatacionog polja.
- (2) Eksploataciono polje nalazi se unutar granica istražnog prostora.
- (3) Oblik i veličina eksploatacionog polja utvrđuje se u zavisnosti od vrste mineralne sirovine, uslova racionalne eksploatacije i potrebnog prostora za smještaj rudarskih objekata infrastrukture.
- (4) Eksploataciono polje obuhvata površinsku kop-jamu, transportne i pristupne puteve na etaže, prostor za prerađivanje, oplemenjivanje, odlagališta, vodosabirnike, magazine eksplozivnih sredstava, trafostanice, radionički prostor, uredski i sanitarni prostor.
- (5) Prelomne tačke eksploatacionog polja moraju da budu obilježene betonskim markerima dimenzija 20x20x80cm.
- (6) Ležišta mineralnih sirovina mogu se podijeliti na više eksploatacionih polja.

Član 10.

(Zabrana eksploatacije mineralnih sirovina pri izvođenju građevinskih radova)

- (1) Privredno društvo, odnosno izvođač rudarskih radova kada prilikom iskopa temelja za građevinski objekat naiđe na pojavu bilo koje mineralne sirovine iz člana 4. ovog Zakona mora o tome obavijestiti Ministarstvo koje će donijeti odluku o daljnim aktivnostima.
- (2) Zabranjeno je na osnovu građevinske dozvole iskopom temelja za građevinski objekat vršiti eksploataciju mineralnih sirovina, izuzev crpljenja podzemnih voda u funkciji odvodnjavanja jame.

II. IZVOĐENJE RUDARSKIH RADOVA

Član 11.

(Uslovi za izvođenje radova)

- (1) Rudarsku djelatnost može obavljati privredno društvo upisano u registar društava, koje je organu nadležnom za inspeksijski nadzor dostavilo obavještenje o početku obavljanja djelatnosti i ispunjavanju uslova tehničke opremljenosti, zaštite na radu, zaštite i unapređenja životne sredine i drugih uslova propisanih za obavljanje te ili tih djelatnosti.
- (2) Kada privredno društvo izvođenje radova povjerava drugom privrednom društvu tada je obavezno zaključiti odgovarajući ugovor sa izvođačem radova koji ispunjava propisane uslove iz stava (1) ovog člana.
- (3) Izvođači radova dužni su postupati po odredbama ovog Zakona i provedbenim propisima donesenim na osnovu njega.

Član 12.

(Način izvođenja rudarskih radova)

Pri obavljanju rudarske djelatnosti privredno društvo, odnosno izvođač rudarskih radova mora poštovati tehničke propise i normative u rudarstvu (u daljnjem tekstu: tehnički propisi), propise o zaštiti na radu, zaštiti okoliša, uslove utvrđene u urbanističkoj saglasnosti i druge propise, osigurati lična zaštitna sredstva zaposlenicima i provoditi propise o zaštiti ljudi i imovine.

Član 13.

(Više izvođača rudarskih radova)

- (1) Kada u istom rudničkom prostoru radove izvode dva ili više izvođača rudarskih radova privredno društvo gdje se izvode radovi dužno je osigurati provođenje svih mjera zaštite na radu i zaštite zdravlja zaposlenika.
- (2) Zaposlenici izvođača rudarskih radova iz stava (1) ovog člana moraju biti upoznati sa propisima i mjerama zaštite na radu, te opasnostima koje mogu nastati tokom izvođenja radova.
- (3) Obaveza privrednog društva iz stava (1) ovog člana ne oslobađa odgovornosti svakog pojedinačnog izvođača rudarskih radova za provođenje svih mjera zaštite na radu i zaštite zdravlja zaposlenika.
- (4) Prije početka izvođenja rudarskih radova privredno društvo gdje se izvode rudarski radovi i izvođač rudarskih radova međusobne obaveze i odgovornosti u provođenju mjera zaštite na radu i zaštite zdravlja zaposlenika regulisat će pisanim ugovorom.

Član 14.

(Propisi pri izvođenju rudarskih radova)

- (1) Za provođenje tehničkih mjera i mjera zaštite pri izvođenju rudarskih radova, privredna društva su dužna primjenjivati propise iz sljedećih oblasti:
 - a) eksploatacije mineralnih sirovina na površini i/ili ispod zemlje;
 - b) eksploatacije mineralnih sirovina dubinskim bušenjem;
 - c) električnih postrojenja i instalacije u rudnicima sa površinskom i podzemnom eksploatacijom mineralnih sirovina;
 - d) radova na površini i/ili ispod zemlje koji nisu vezani uz radove eksploatacije mineralnih sirovina;
 - e) radova pri preradi mineralnih sirovina i
 - f) skladištenje i trošenje sekundarnih ili trenutno otpadnih sirovina u rudarstvu i korisnih mineralnih sirovina dobijenih kroz istražne radove.
- (2) Dodatne posebnosti za izvođenje radova iz stava (1) ovog člana mogu se utvrditi općim aktom izvođača rudarskih radova uz primjenu propisa iz stava (1) ovog člana, kao i drugih propisa koji se primjenjuju kod izvođenja rudarskih radova.

- (3) Ako se rudarskim radovima izrađuju podzemni objekti kojima nije namjena eksploatacija mineralnih sirovina, prilikom njihovog izvođenja, pored propisa iz stava (1) ovog člana, moraju se primjenjivati tehnički i drugi propisi o građenju tih objekata.
- (4) Poslije izvršenih radova iskopa i osnovnog podgrađivanja iz stava (3) ovog člana vrši se tehnički pregled izvršenog iskopa, odnosno osnovnog podgrađivanja i o tome izdaje odgovarajuća saglasnost.
- (5) Saglasnost iz stava (3) ovog člana, za mineralne sirovine iz člana 4. izdaje Ministarstvo.
- (6) Privredno društvo, odnosno izvođač rudarskih radova na podzemnom objektu iz stava (3) ovog člana, dužan je Komisiji za tehnički pregled pored dokumentacije propisane zakonom predložiti i saglasnost iz stava (5) ovog člana.

Član 15.

(Služba spašavanja, vatrogasna služba i služba prve pomoći)

- (1) Privredno društvo koje izvodi podzemne rudarske radove u potencijalno požarnim i eksplozivno opasnim objektima ili radilištima pri kojima mogu nastati otrovni gasovi, pare, prodori gasova, vode i mulja, mora organizirati službu spašavanja i snabdijeti je potrebnom opremom. Više privrednih društava može organizirati zajedničku službu spašavanja.
- (2) Na površinskim kopovima mora se organizirati služba spašavanja u slučaju da nije moguće uspješno provoditi spašavanje sa postojećim službama.
- (3) Privredno društvo dužno je organizirati vatrogasnu službu i službu prve pomoći ili zaključiti ugovor sa odgovarajućim službama u mjestu gdje se nalazi privredno društvo.

Član 16.

(Postupak kod pojava iznenadnih opasnosti)

- (1) Svaki zaposlenik dužan je odmah obavijestiti nadređenog o svakoj pojavi opasnosti, posebno o pojavama eksplozivnih, zagušljivih i otrovnih gasova, prodorima vode, mulja, blata, gorskim udarima i obrušavanjima, pojavi nadvjesa, nestabilnim kosinama, neeksploziranim minskim punjenjima i drugim pojavama opasnosti, koje mogu ugroziti zaposlene, objekte i uređaje.
- (2) O svim pojavama opasnosti iz stava (1) ovog člana odgovorno lice privrednog društva dužno je odmah obavijestiti nadležnu rudarsku inspekciju.
- (3) Privredno društvo, odnosno izvođač rudarskih radova dužan je odmah obavijestiti Ministarstvo, nadležnog rudarskog inspektora i organ uprave nadležan za unutrašnje poslove o svakom smrtnom slučaju, grupnoj povredi, teškoj povredi na radu i svakoj drugoj rudarskoj nesreći i o uzrocima nesreće u privrednom društvu.
- (4) U slučaju pojave opasnosti kada je ugrožena sigurnost zaposlenih, objekata i opreme pri izvođenju rudarskih radova, akciju spašavanja vodi odgovorno lice određeno općim aktom privrednog društva.
- (5) Ako nadležni inspektor utvrdi da vođenje akcije spašavanja nije dovoljno stručno i efikasno, usmeno će odrediti odgovarajuću upravnu mjeru.
- (6) Privredno društvo dužno je u slučaju rudarske nesreće u drugom privrednom društvu pružiti odgovarajuću pomoć, kao i na poziv rudarskog inspektora, odnosno ugroženog privrednog društva.

Član 17.

(Provođenje stručnih poslova u oblasti zaštite na radu i zdravlja zaposlenika na radu)

- (1) Privredno društvo, odnosno izvođač rudarskih radova dužni su provoditi i osigurati nadzor nad primjenom tehničkih propisa i propisa iz područja zaštite na radu i zaštite zdravlja zaposlenika.
- (2) Privredno društvo, odnosno izvođač podzemnih rudarskih radova, dužno je organizovati službu zaštite na radu i

osigurati da zadatke zdravstvene zaštite obavlja ovlaštena zdravstvena ustanova.

- (3) Privredno društvo, odnosno izvođač rudarskih radova na površinskim kopovima zavisno od specifičnih uslova za eksploataciju dužan je organizovati službu zaštite na radu ili odrediti posebno lice za nadzor nad provođenjem tehničkih normativa i mjera zaštite na radu.
- (4) Zadatak službe zaštite na radu i lica za nadzor nad provođenjem tehničkih normativa i mjera zaštite na radu je:
 - a) neposredna kontrola provođenja svih propisanih mjera zaštite na radu;
 - b) vođenje evidencije o nesretnim slučajevima, profesionalnim oboljenjima, povredama na radu, gorskim udarima i drugim iznenadnim pojavama koje ugrožavaju živote zaposlenika i opremu u privrednom društvu po mjestu nastanka, uzrocima i nastalim posljedicama;
 - c) proučavanje uzroka nesretnih slučajeva, profesionalnih oboljenja, povreda na radu, gorskih udara i drugih iznenadnih pojava koje ugrožavaju živote zaposlenih i opremu i davanje prijedloga za poduzimanje mjera i metoda rada koje osiguravaju uspješno otklanjanje tih uzroka;
 - d) praćenje zdravstvenog stanja zaposlenika i predlaganje mjera za unapređenje zdravstveno-higijenskih uslova pri radu;
 - e) davanje prijedloga upravi privrednog društva za unapređenje zaštite na radu i zaštite zdravlja zaposlenika;
 - f) davanje stručnih mišljenja da li su rudarski projekti izrađeni u skladu sa propisanim mjerama zaštite na radu i
 - g) obavljanje i drugih poslova i ovlaštenja koja su joj data općim aktom privrednog društva.
- (5) Zadatke službe zaštite na radu obavlja potreban broj lica visoke stručne spreme odgovarajuće struke koja imaju najmanje dvije godine radnog iskustva stečenog nakon položenog stručnog ispita.
- (6) Izuzetno, poslove neposredne kontrole provođenja mjera zaštite na radu mogu obavljati i lica koja imaju višu ili srednju stručnu spremu odgovarajućeg smjera i pet godina radnog iskustva stečenog nakon položenog stručnog ispita.
- (7) Rukovodilac službe zaštite na radu kod podzemnog načina eksploatacije mineralnih sirovina može biti lice sa visokom stručnom spremom, rudarski fakultet i fakultet sigurnosti i pomoći, i koje ima najmanje tri godine radnog iskustva na poslovima tehničkog rukovođenja u jami.
- (8) Rukovodilac službe zaštite na radu u podzemnim radovima koji nisu vezani uz eksploataciju mineralnih sirovina može biti lice sa visokom stručnom spremom rudarskog, geološkog ili drugog odgovarajućeg smjera.
- (9) Privredno društvo, odnosno izvođač rudarskih radova mora prije početka izvođenja radova izraditi uputstva koja će sadržavati način izvođenja radova i mjere zaštite koje se moraju provoditi pri izvođenju radova u cilju zaštite života i zdravlja zaposlenika. Uputstva se moraju pravovremeno usklađivati sa nastalim promjenama uslova rada.

Član 18.

(Rukovođa lica u rudarstvu)

- (1) Poslove i zadatke stručnog rukovođenja pri izvođenju rudarskih radova, izradi i reviziji rudarskih projekata, vršenju nadzora, samostalnom obavljanju rudarskih mjerenja i druge poslove pri eksploataciji mineralnih sirovina, mogu obavljati zaposlenici koji ispunjavaju propisane uslove stručne spreme i radnog iskustva i koji su položili stručni ispit.
- (2) Privredno društvo dužno je svojim općim aktom utvrditi obavezu stručnog usavršavanja i provjeru stručne osposobljenosti za zaposlenike koji rade na poslovima za koje je, prema odredbama ovog zakona, propisana stručna sprema i radno iskustvo.

Član 19.

(Glavno tehničko rukovođenje u jamskoj i površinskoj eksploataciji)

- (1) Poslove glavnog tehničkog rukovođenja u privrednom društvu koje se bavi jamskom eksploatacijom mineralnih sirovina može obavljati zaposlenik koji ispunjava uslove iz člana 21. ovog Zakona i ima najmanje tri godine radnog iskustva na poslovima tehničkog rukovođenja u jami.
- (2) Poslove glavnog tehničkog rukovođenja u privrednom društvu koje se bavi površinskom eksploatacijom mineralnih sirovina može obavljati zaposlenik koji ispunjava uslove iz člana 21. ovog Zakona i ima najmanje tri godine radnog iskustva na poslovima tehničkog rukovođenja na površinskom kopu.
- (3) Poslove glavnog tehničkog rukovođenja u privrednom društvu koje se bavi jamskom i površinskom eksploatacijom mineralnih sirovina može obavljati zaposlenik koji ispunjava uslove iz člana 21. ovog Zakona i ima najmanje tri godine radnog iskustva na poslovima tehničkog rukovođenja u jami ili tri godine radnog iskustva na poslovima tehničkog rukovođenja na površinskom kopu.

Član 20.

(Tehničko rukovođenje)

Poslove tehničkog rukovođenja u privrednom društvu koje se bavi rudarskom djelatnošću može obavljati zaposlenik koji ima visoku stručnu spremu rudarske struke odgovarajućeg smjera i najmanje tri godine radnog iskustva i položen stručni ispit.

Član 21.

(Rudarska mjerenja)

Poslove rudarskog mjerenja u jamama i na površinskim kopovima može obavljati zaposlenik koji ima visoku ili srednju stručnu spremu odgovarajuće struke, položen stručni ispit i najmanje dvije godine radnog iskustva stečenog nakon položenog stručnog ispita.

Član 22.

(Nadzornik u rudarskim objektima)

Poslove nadzornika u rudarskim objektima može obavljati zaposlenik koji ima najmanje srednju stručnu spremu odgovarajućeg smjera i dvije godine radnog iskustva stečenog nakon položenog stručnog ispita.

Član 23.

(Poslovođa u rudarskim objektima)

Poslove poslovođe u rudarskim objektima može obavljati zaposlenik koji ima najmanje tri godine radnog iskustva na poslovima nadzornika u odgovarajućem objektu.

Član 24.

(Samostalno rukovanje eksplozivnim sredstvima)

- (1) Poslove samostalnog rukovanja eksplozivnim sredstvima mogu obavljati i zaposlenici koji imaju visoku, višu ili srednju stručnu spremu rudarske struke i koji su stekli teorijska i praktična znanja o eksplozivnim sredstvima i miniranju.
- (2) Poslove samostalnog rukovanja eksplozivnim sredstvima mogu obavljati kvalifikovani zaposlenici rudarske struke koji imaju najmanje tri godine radnog iskustva na poslovima kvalifikovanog zaposlenika rudarske struke i položen ispit iz poznavanja propisa, primjene i praktičnog rukovanja eksplozivnim sredstvima.

Član 25.

(Stručna sprema)

Pod školama i fakultetima odgovarajuće struke za obavljanje poslova iz čl. od 21. do 30. ovog Zakona podrazumijevaju se za poslove:

1. samostalno rukovanje eksplozivnim sredstvima - položen ispit za kvalifikovanog zaposlenika rudarske struke, rudarska tehnička škola odnosno rudarski fakultet;

2. nadzor nad jamskim i površinskim eksploatacionim radovima - rudarska tehnička škola;
3. nadzor u objektima oplemenjivanja i obogaćivanja mineralnih sirovina - rudarska, mašinska i tehnološka ili hemijska tehnička škola;
4. nadzor nad eksploatacijom nafte i gasa - rudarska odnosno geološka tehnička škola;
5. nadzor nad elektropostrojenjima i radovima - elektro-tehnička škola;
6. nadzor nad mašinskim postrojenjima i radovima - mašinska tehnička škola;
7. nadzor nad građevinsko-montažnim i drugim specijalnim radovima - građevinska, tehnička odnosno druga odgovarajuća srednja škola;
8. tehničko rukovođenje rudarskim jamskim i površinskim radovima, masovnim miniranjem, službom zaštite, službom provjetravanja i službom spašavanja - rudarski fakultet i fakultet sigurnosti i pomoći;
9. tehničko rukovođenje radovima prerade ili oplemenjivanja - rudarski, tehnološki, rudarsko-mašinski, mašinski i elektrotehnički fakultet;
10. tehničko rukovođenje eksploatacijom nafte i gasa - rudarski, geološki ili rudarsko-naftni fakultet;
11. tehničko rukovođenje elektroslužbom - elektrotehnički fakultet;
12. tehničko rukovođenje mašinskom službom - rudarsko-mašinski ili mašinski fakultet;
13. tehničko rukovođenje sistemom odvodnjavanja - rudarski, geološki ili mašinski fakultet;
14. tehničko rukovođenje građevinsko-montažnim i drugim specifičnim radovima - građevinski odnosno drugi odgovarajući fakultet;
15. rudarsko mjerenje - geodetska ili rudarska tehnička škola odnosno geodetski ili rudarski fakultet;
16. tehničko rukovođenje službom rudarskih mjerenja - geodetski odnosno rudarski fakultet i
17. tehničko rukovođenje geološkom službom na rudniku - geološki fakultet.

Član 26. (Stručni ispit)

Stručni ispit za tehničko rukovođenje, nadzor nad rudarskim radovima i samostalno obavljanje rudarskih mjerenja polažu kandidati koji imaju stručnu spremu propisanu ovim Zakonom i najmanje jednu godinu radnog iskustva u oblasti rudarstva nakon sticanja stručne spremlje.

Član 27. (Polaganje stručnog ispita)

Stručni ispit iz člana 26. ovog Zakona polaže se pred komisijom koju imenuje federalni ministar.

Član 28. (Radno iskustvo)

Pod radnim iskustvom u smislu odredbi čl. od 20. do 30. ovog Zakona smatra se iskustvo na odgovarajućim poslovima u rudarstvu stečeno nakon sticanja stručne spremlje koja je uslov za rad na određenom radnom mjestu, odnosno iskustvo stečeno nakon položenog stručnog ispita u slučajevima propisanim ovim Zakonom.

Član 29. (Izvođenje i nadzor rudarskih radova)

- (1) Privredno društvo, odnosno izvođač rudarskih radova mora osigurati izvođenje radova prema tehničkoj dokumentaciji, tehničkim propisima i propisima o zaštiti života i zdravlja zaposlenika, a pri građenju drugih objekata i odredbe koje važe za građenje tih objekata.
- (2) Privredno društvo, odnosno izvođač rudarskih radova obavezan je osigurati stalni nadzor nad svim rudarskim radovima, postrojenjima i uređajima i instalacijama u svim

smjenama od stručnih lica ili posredstvom uređaja za kontrolu i daljinsko upravljanje.

Član 30.

(Knjiga rudarskog nadzora)

- (1) Privredno društvo dužno je voditi knjigu rudarskog nadzora u koju se unose naredjenja nadležnog rudarskog inspektora izdata na licu mjesta pri vršenju nadzora u rudarskim objektima u slučaju neposredne opasnosti po život i zdravlje ljudi i materijalnih dobara.
- (2) U knjigu rudarskog nadzora unose se naredjenja direktora privrednog društva, lica odgovornog za glavno tehničko rukovođenje i rukovodioca službe zaštite na radu, koja se odnose na zaštitu na radu, a izdata su na licu mjesta pri pregledu radova.

Član 31. (Dozvole)

- (1) Za izvođenje rudarskih radova iz člana 6. ovog Zakona, koji se odnose neposredno na eksploataciju mineralnih sirovina potrebno je od Ministarstva pribaviti sljedeće dozvole:
 - a) dozvola za eksploataciju;
 - b) dozvola za potpunu i trajnu obustavu eksploatacije;
 - c) dozvola za izvođenje radova prema rudarskom projektu;
 - d) dozvola za upotrebu rudarskih objekata, postrojenja, uređaja i instalacija - upotrebna dozvola;
 - e) privremena dozvola za izvođenje radova i
 - f) konačna dozvola za izvođenje radova.
- (2) Dozvolu za vršenje periodičnih pregleda, mjerenja i ispitivanja oruđa za rad i uređaja, fizičkih, hemijskih i bioloških uticaja i izdavanje odgovarajućih isprava u rudarstvu izdaje Federalno ministarstvo.

Član 32. (Zahtjev za izdavanje dozvole i sadržaj dozvole za eksploataciju)

- (1) Uz zahtjev za izdavanje dozvole za eksploataciju privredno društvo dužno je priložiti:
 - a) ugovor o koncesiji;
 - b) dokumentaciju o izvršenim istražnim radovima, ležištu mineralnih sirovina, utvrđenim količinama i kvalitetu mineralnih sirovina (potvrda o revidovanim rezervama);
 - c) dokaz o pravu korištenja ili pravu služnosti na zemljište određeno za eksploataciju mineralnih sirovina;
 - d) situacioni plan - kartu sa ucrtanim granicama eksploatacionog polja u mjerilu koje omogućava da se na njegovoj podlozi u prirodi mogu odrediti granice rudničkog prostora, sa javnim saobraćajnim i drugim objektima koji se nalaze na tom prostoru, sa opisom granica eksploatacionog polja, uz naznaku općine na čijem se području eksploataciono polje nalazi;
 - e) podatke o tehničkoj opremljenosti privrednog društva ili izvođača rudarskih radova, kao i stručnoj osposobljenosti zaposlenika za eksploataciju mineralnih sirovina i
 - f) okolinsku dozvolu i urbanističku saglasnost.
- (2) Dozvola za eksploataciju sadrži podatke o:
 - a) vrsti mineralne sirovine ili mineralnih sirovina koje su predmet eksploatacije;
 - b) načinu eksploatacije (podzemna, površinska i kombinirana);
 - c) položaju i tačnim granicama eksploatacionog polja;
 - d) roku u kojem se moraju izvršiti pripremni radovi uključujući i izradu rudarskog projekta i dobiti dozvola za izvođenje radova na eksploataciji mineralne sirovine;
 - e) roku važnosti dozvole;
 - f) obavezni provođenja ugovora o koncesiji i
 - g) obavezni sanacije i rekultivacije područja oštećenog eksploatacijom mineralnih sirovina.

Član 33.

(Ukidanje dozvole za eksploataciju)

Ministarstvo će ukinuti dozvolu za eksploataciju mineralnih sirovina ako:

- a) privredno društvo kome je izdata dozvola ne počne sa eksploatacijom u roku navedenom u dozvoli;
- b) privredno društvo ne pribavi dozvolu za izvođenje radova prema rudarskom projektu u propisanom roku;
- c) rudarskim radovima se ugrožava život i zdravlje zaposlenika i drugih građana i imovine, a druge mjere utvrđene ovim Zakonom i drugim propisima nisu dovoljne da se to spriječi;
- d) ugrožava se okoliš i ne vrši rekultivacija prostora oštećenog rudarskim radovima prema odobrenom projektu ili
- e) raskinut je ugovor o koncesiji.

Član 34.

(Prestanak važenja dozvole za eksploataciju)

Dozvola za eksploataciju prestaje važiti:

- a) prestankom rada privrednog društva;
- b) kada je iscrpljena mineralna sirovina na prostoru eksploatacionog polja;
- c) kada privredno društvo odustane od izdate dozvole za eksploataciju ili
- d) istekom ugovora o koncesiji.

Član 35.

(Zahtjev za produženje dozvole za eksploataciju)

Uz zahtjev za produženje dozvole privredno društvo dužno je priložiti:

- a) važeću dozvolu;
- b) potvrdu o priznatim rezervama mineralne sirovine;
- c) situacioni plan - kartu sa ucrtanim granicama eksploatacionog polja u mjerilu koje omogućava da se na njegovoj podlozi mogu odrediti granice rudničkog prostora sa javnim saobraćajnim i drugim objektima koji se nalaze na tom prostoru.

Član 36.

(Dozvola za potpunu i trajnu obustavu eksploatacije)

(1) Uz zahtjev za izdavanje dozvole za potpunu i trajnu obustavu eksploatacije privredno društvo dužno je priložiti:

- a) ugovor o koncesiji;
- b) revidovan rudarski projekt za obustavu eksploatacije;
- c) urbanističku saglasnost;
- d) okolinsku dozvolu;
- e) obrazloženje potpune i trajne obustave eksploatacije i odluku privrednog društva o potpunoj i trajnoj obustavi eksploatacije.

(2) Dozvola za potpunu i trajnu obustavu eksploatacije sadrži podatke o:

- a) postojanju ugovora o koncesiji;
- b) vrsti mineralne sirovine koja je predmet obustave eksploatacije sa količinama preostalih rezervi;
- c) obavezi privrednog društva o trajnom čuvanju tehničke dokumentacije koja se odnosi na eksploataciju mineralne sirovine;
- d) obavezi privrednog društva o provođenju mjera sigurnosti kojima će se trajno isključiti mogućnost nastajanja opasnosti po ljude i imovinu;
- e) odobrenju ulaska u eksploataciono polje za otklanjanje posljedica eksploatacije;
- f) obavezi privrednog društva o sanaciji i rekultivaciji eksploatacionog područja u skladu sa projektom za predmetno eksploataciono polje;
- g) položaju i tačnim granicama eksploatacionog polja;
- h) ažurnom stanju izvedenih radova do vremena obustave i
- i) roku obustave.

Član 37.

(Dozvola za izvođenje radova prema rudarskom projektu)

- (1) Dozvolom za izvođenje rudarskih radova, gradnju objekata i postrojenja prema odobrenom rudarskom projektu odobravaju se radovi za gradnju objekata i postrojenja iz čl. 6. i 7. ovog Zakona.
- (2) Uz zahtjev za dobivanje dozvole iz stava (1) ovog člana privredno društvo ili izvođač rudarskih radova mora priložiti:
 - a) ugovor o koncesiji;
 - b) revidovan rudarski projekt u dva primjerka;
 - c) dokaz o ispunjavanju uslova za izvođenje rudarskih radova;
 - d) dozvolu za eksploataciju određene mineralne sirovine;
 - e) dokaz o pravu korištenja ili pravu služnosti za zemljište određeno za eksploataciju;
 - f) okolinsku dozvolu i urbanističku saglasnost;
 - g) izvještaj revidenta o reviziji projekta i
 - h) vodnu saglasnost.
- (3) Dozvola za izvođenje rudarskih radova, gradnju objekata i postrojenja prema rudarskom projektu sadrži:
 - a) naziv privrednog društva ili izvođača rudarskih radova kojem je izdata dozvola za izvođenje radova;
 - b) naziv projekta prema kojem se odobrava izvođenje radova i gradnja objekata i postrojenja;
 - c) konstataciju da se projekt ovjerava u dva primjerka;
 - d) nalog podnosiocu zahtjeva da je jedan primjerak ovjerenog projekta dužan čuvati kao akt od trajne vrijednosti;
 - e) nazive bitnih dokumenata priloženih uz zahtjev za dozvolu i to:
 - dokaz o pravu korištenja ili pravu služnosti za zemljište određeno za eksploataciju;
 - urbanističku saglasnost i
 - revizioni izvještaj sa mišljenjem da se može izdati dozvola.
- (4) Ministarstvo utvrđuje:
 - a) gdje je projekt urađen;
 - b) ko je rukovodio izradom projekta;
 - c) gdje je izvršena revizija projekta i
 - d) ko je revident.

Član 38.

(Privremena dozvola za izvođenje rudarskih radova)

- (1) Za uvođenje nove otkopne metode kod eksploatacije mineralnih sirovina, Ministarstvo može izdati privremenu dozvolu za izvođenje rudarskih radova u trajanju od najduže dvije godine.
- (2) Privremena dozvola izdaje se i u slučajevima kada je zbog uvođenja nove tehnologije i postrojenja predviđen probni rad.
- (3) Uz zahtjev za izdavanje dozvole iz st. (1) i (2) ovog člana privredno društvo mora priložiti sljedeće dokumente:
 - a) revidovani rudarski projekt u dva primjerka i
 - b) izvještaj revidenta o reviziji projekta.

Član 39.

(Konačna dozvola)

Konačnu dozvolu kojom se određuju zaštitne mjere kod upotrebe otkopne metode, tehnologije ili postrojenja iz člana 38. ovog Zakona, privrednom društvu izdaje Ministarstvo poslije predočenja dokaza o ispravnosti otkopne metode, tehnologije i postrojenja.

Član 40.

(Početak izvođenja rudarskih radova)

- (1) Privredno društvo ili izvođač rudarskih radova kojem je izdata dozvola iz člana 31. ovog Zakona mora, najkasnije 15 dana prije početka izvođenja rudarskih radova, nadležnoj rudarskoj inspekciji prijaviti početak izvođenja rudarskih

radova i lica koja će obavljati poslove tehničkog i glavnog tehničkog rukovođenja rudarskim radovima, kao i lica koja će obavljati poslove tehničkog nadzora, ako se rudarskim radovima grade objekti.

- (2) Privredno društvo ili izvođač rudarskih radova mora rudarskoj inspekciji prijaviti prestanak rudarskih radova, ako prijavom početka radova nije određen rok trajanja i okončanja radova.

Član 41.

(Dozvola za upotrebu rudarskih objekata, postrojenja, uređaja i instalacija)

- (1) Upotreba rudarskih objekata, postrojenja, uređaja i instalacija izgrađenih na osnovu odobrenog glavnog i dopunskog rudarskog projekta dozvoljena je na osnovu dozvole za njihovu upotrebu.
- (2) Dozvolu za upotrebu rudarskih objekata i postrojenja na prijedlog Stručne komisije izdaje Ministarstvo.
- (3) Prije izdavanja dozvole iz prethodnog stava, obavlja se tehnički pregled kojim se utvrđuje da li je izgrađen prema odobrenom projektu, da li je usklađen sa propisima, mjerama i normativima zaštite na radu i obaveznim standardima, da li je tehnički ispravan i da li ugrožava okoliš, život i zdravlje zaposlenika i građana.
- (4) Vršenje tehničkog pregleda pokreće se zahtjevom privrednog društva.
- (5) Uz zahtjev za tehnički pregled za dobijanje dozvole za upotrebu rudarskih objekata i postrojenja privredno društvo prilaže:
 - a) rješenje o ispunjavanju uslova za obavljanje registrirane djelatnosti;
 - b) spisak objekata i opreme;
 - c) spisak projekata prema kojima su izgrađeni objekti, postrojenja i uređaji uz navođenje broja dozvole pod kojim su odobreni;
 - d) spisak kadrova;
 - e) spisak isprava i šifre o izvršenim periodičnim pregledima oruđa za rad i uređaja, odnosno radnih i pomoćnih prostorija koji podliježu obaveznim periodičnim pregledima i
 - f) vodnu dozvolu.
- (6) Dozvola za upotrebu rudarskog objekta i postrojenja sadrži:
 - a) naziv privrednog društva kojem se izdaje dozvola;
 - b) naziv mjesta izgrađenog objekta i postrojenja;
 - c) nazive objekata i postrojenja sa tehničkim karakteristikama;
 - d) obaveze privrednog društva da sve izmjene u projektnoj dokumentaciji nastale u toku izgradnje objekta mora unijeti u odobrenu projektnu dokumentaciju i čuvati svo vrijeme dok objekt traje; i
 - e) konstataciju da su objekti i postrojenja izgrađeni u skladu sa odobrenim rudarskim projektom, da je privredno društvo uvažilo uslove date u dozvoli za izvođenje radova i da je privredno društvo uvažilo uslove navedene u urbanističkoj saglasnosti.
- (7) Troškove tehničkog pregleda snosi privredno društvo.
- (8) Rudarski objekti i postrojenja izgrađeni na osnovu glavnog i dopunskog rudarskog projekta mogu se pustiti u probni rad najduže do šest mjeseci, poslije izvršenog tehničkog pregleda od stručne komisije, koju je formiralo privredno društvo, sa zadatkom da utvrdi da li su izvedeni radovi u skladu sa rješenjem datim u rudarskom projektu. O puštanju u probni rad rudarskih objekata, postrojenja, uređaja i instalacija privredno društvo pismeno obavještava Ministarstvo.
- (9) Stručnu komisiju za obavljanje tehničkog pregleda imenuje Ministar privrede (u daljem tekstu: ministar) od predstavnika ministarstva i stručnih lica iz privrednih društava ili ustanova iz oblasti rudarstva koji ispunjavaju uslove iz člana 63. ovog Zakona. U radu stručne komisije učestvuju i predstavnici

organa koji je izdao urbanističku saglasnost i okolinsku dozvolu kao i predstavnik nadležne inspekcije.

- (10) Način imenovanja članova komisije, obavljanje tehničkog pregleda, sadržaj zapisnika o izvršenom tehničkom pregledu te naknadu za rad članova komisije uredit će se posebnim pravilnikom koji donosi ministar.

Član 42.

(Okolinska dozvola i urbanistička saglasnost)

- (1) Okolinska dozvola je upravni akt koji izdaje nadležni organ u skladu sa propisima koji uređuju zaštitu okoliša na nivou Kantona i Federacije BiH.
- (2) Urbanistička saglasnost je upravni akt koji izdaje nadležni organ u skladu sa propisima koji uređuju prostorno planiranje i korištenje zemljišta u Kantonu i Federaciji BiH.

Član 43.

(Dozvola za obavljanje periodičnih pregleda oruđa za rad i uređaja i ispitivanje fizičkih, hemijskih i bioloških uticaja i izdavanje odgovarajućih isprava u rudarstvu)

- (1) Periodične preglede oruđa za rad i uređaja i ispitivanje fizičkih, hemijskih i bioloških uticaja i izdavanje odgovarajućih isprava u rudarstvu mogu obavljati pravna lica koja pored uslova propisanih ovim Zakonom za obavljanje rudarske djelatnosti, imaju kadrove sa odgovarajućom visokom školskom spremom, položenim stručnim ispitom i radnim iskustvom u struci od najmanje tri godine, tehničku opremu i laboratoriju.
- (2) Uz zahtjev privrednog društva, odnosno pravnog lica za dobijanje dozvole za vršenje periodičnih pregleda, mjerenja i ispitivanja oruđa za rad i uređaja, fizičkih, hemijskih i bioloških uticaja i izdavanje odgovarajućih isprava u rudarstvu potrebno je priložiti:
 - a) rješenje o registraciji djelatnosti kod nadležnog suda;
 - b) spisak kadrova sa odgovarajućim uslovima u pogledu stručne spreme, radnog iskustva i položenog stručnog ispita;
 - c) spisak tehničke opreme;
 - d) spisak opreme i instrumenata koji podliježu umjeravanju, kao i dokaze da je umjeravanje izvršeno;
 - e) spisak laboratorija i radnog prostora potrebnog za poslove navedene u zahtjevu i
 - f) izvod iz općih akata privrednog društva kojima se reguliraju poslovi vršenja periodičnih pregleda oruđa za rad.
- (3) Prije izdavanja dozvole za vršenje periodičnih pregleda, mjerenja i ispitivanja oruđa za rad i uređaja, fizičkih, hemijskih i bioloških uticaja i izdavanje odgovarajućih isprava u rudarstvu vrši se uvidaj na licu mjesta putem stručne komisije.
- (4) Troškove uvidaja snosi privredno društvo.
- (5) Dozvola za vršenje periodičnih pregleda, mjerenja i ispitivanja oruđa za rad i uređaja, fizičkih, hemijskih i bioloških uticaja i izdavanje odgovarajućih isprava u rudarstvu sadrži:
 - a) popis poslova periodičnih pregleda koji se odobravaju;
 - b) nosioce poslova iz tačke a) ovog stava koji moraju ispunjavati uslove propisane čl. od 63 do 69 ovog Zakona;
 - c) uslove koje moraju zadovoljiti oprema i instrumenti u skladu sa Zakonom o mjeriteljstvu u Federaciji BiH ("Službene novine Federacije BiH", broj 8/05);
 - d) odgovarajući prostor i
 - e) definisan broj lica za obim odobrenih radova.

III. MJERE ZAŠTITE NA RADU

Član 44.

(Obaveze u provođenju mjera)

- (1) Direktor privrednog društva odgovoran je za organiziranje službe zaštite na radu.

- (2) Za neposredno provođenje mjera zaštite na radu odgovorno je svako lice zaposleno u privrednom društvu, odnosno kod izvođača u okviru djelokruga svog rada u skladu sa pravilnikom o mjerama zaštite na radu.
- (3) Direktor privrednog društva dužan je povremeno, a najmanje dva puta godišnje razmatrati stanje zaštite na radu i rad službe zaštite na radu.
- (4) Korištenje jamskih prostorija u svrhe koje nisu odobrene za upotrebu rudarskim projektom, nije dopušteno.
- (5) Štrajk u objektima gdje se odvija tehnološki proces nije dopušten iz sigurnosnih razloga.

Član 45.

(Poduzimanje mjera za zaštitu života građana i osiguranje imovine)

- (1) Pri izvođenju rudarskih radova privredno društvo, odnosno izvođač rudarskih radova dužan je poduzeti mjere potrebne za zaštitu života i zdravlja građana kao i osiguranje imovine prema važećim propisima.
- (2) Vlasnici i korisnici zemljišta i objekata na eksploatacionom polju, kao i ostali građani pri kretanju ili radu dužni su se pridržavati mjera zaštite koje je propisalo privredno društvo, odnosno izvođač rudarskih radova.

Član 46.

(Upoznavanje sa propisima)

- (1) Svaki zaposlenik koji zasnjuje radni odnos u privrednom društvu mora se prije raspoređivanja na poslove, odnosno zadatke upoznati sa poslom koji će obavljati, propisima i mjerama zaštite na radu i mjerama zaštite od požara, sa opasnostima koje mogu nastati u poslu, kao i sa organiziranjem i provođenjem zaštite na radu u privrednom društvu.
- (2) Zaposlenik ima pravo zahtijevati od lica zaduženog za upoznavanje sa propisima da se što potpunije upozna sa opasnostima posla, pravima odnosno dužnostima u vezi sa zaštitom na radu i uslovima rada.

Član 47.

(Uvođenje u posao)

Zaposlenik koji se prvi put raspoređuje na rudarske poslove mora se najmanje 15 dana u smjeni u kojoj je raspoređen uvoditi u posao pod neposrednim nadzorom instruktora kojeg odredi ovlašteno odgovorno lice u privrednom društvu i u tom periodu zaposlenik ne može biti raspoređen na stalne poslove i zadatke.

Član 48.

(Poznavanje propisa iz oblasti zaštite na radu)

- (1) Privredno društvo, odnosno izvođač radova dužan je donijeti posebne programe za sticanje znanja iz oblasti zaštite na radu prema vrsti poslova i stručnosti zaposlenika.
- (2) Privredno društvo, odnosno izvođač rudarskih radova dužan je organizirati upoznavanje svih zaposlenika sa propisima i mjerama zaštite na radu, kao i mjerama provođenja plana odbrane i akcija spašavanja u slučajevima iznenadnih udesa.
- (3) Privredno društvo, odnosno izvođač rudarskih radova dužan je putem stručne komisije najmanje jedanput godišnje vršiti provjeru poznavanja propisa o tehničkim mjerama i o zaštiti na radu, kao i plana odbrane i akcije spašavanja u slučajevima iznenadnih udesa, nadzornog i tehničkog osoblja, palioca mina, visokokvalifikovanih i kvalifikovanih zaposlenika čiji je rad neposredno vezan uz rudarske radove.

Član 49.

(Sankcije za nepoznavanje propisa)

- (1) Zaposlenici koji ne pokažu zadovoljavajuće poznavanje propisa o tehničkim mjerama i o mjerama zaštite na radu, a naročito o provođenju plana odbrane i akcije spašavanja ne mogu obavljati poslove dok se ponovnom provjerom ne utvrdi da su ovladali tim znanjima.
- (2) Ukoliko se i ponovnom provjerom utvrdi nezadovoljavajuće poznavanje propisa, poslodavac je dužan zaposlenika

rasporediti na druge odgovarajuće poslove, a ako takvih poslova nema riješit će njegov radno-pravni status na način propisan Zakonom o radu.

Član 50.

(Privremeno udaljšavanje zaposlenika sa posla)

- (1) Direktor privrednog društva i druga odgovorna lica za izvođenje radova određena pravilnikom o mjerama zaštite na radu, kao i zaposlenik službe zaštite na radu imaju pravo privremeno udaljiti sa posla zaposlenika koji je izvršio povredu neke od propisanih mjera kojima se ugrožava lična i kolektivna sigurnost.
- (2) Pravilnikom o mjerama zaštite na radu privrednog društva odredit će se koje su to povrede mjera zaštite na radu zbog kojih se može postupiti po odredbi stava 1. ovog člana.

IV. PRIVREMENA, POTPUNA I TRAJNA OBUSTAVA
RUDARSKIH RADOVA

Član 51.

(Privremena obustava)

- (1) Privremenu obustavu rudarskih radova, koja je iznenada nastupila na eksploataciji mineralnih sirovina zbog rudarskih ili privrednih razloga privredno društvo ili izvođač rudarskih radova dužno je prijaviti Ministarstvu i nadležnoj rudarskoj inspekciji u roku od 24 sata nakon obustave radova.
- (2) Pojavu opasnosti po živote i zdravlje zaposlenika privredno društvo, odnosno izvođač rudarskih radova dužno je odmah prijaviti Ministarstvu i nadležnoj rudarskoj inspekciji.
- (3) Privremenu planiranu obustavu radova privredno društvo ili izvođač rudarskih radova dužno je prijaviti Ministarstvu i nadležnoj rudarskoj inspekciji najmanje osam dana prije obustave radova. Postupak je isti kod ponovnog početka radova.
- (4) Ako je obustava iz stava (3) ovog člana očekivana i traje duže od 30 dana, privredno društvo ili izvođač rudarskih radova dužan je:
 - a) izvršiti mjerenja stanja i dopuniti rudarske planove - karte;
 - b) sačiniti zapisnik sa obrazloženjem o uzrocima obustave radova i opasnostima koje su uzrokovale obustavu i
 - c) pripremiti plan mjera i aktivnosti radi sprečavanja nastajanja opasnosti koje se mogu pojaviti kod ponovnog otpočinjanja radova.
- (5) Za vrijeme privremene obustave izvođenja radova privredno društvo, odnosno izvođač rudarskih radova mora osigurati redovno održavanje svih rudarskih prostorija i objekata, spriječiti nastajanje šteta i osigurati kretanje zaposlenih bez opasnosti po njihov život i zdravlje.
- (6) Prije puštanja u rad privremeno obustavljenih rudarskih radova privredno društvo, odnosno izvođač rudarskih radova dužan je putem komisije u kojoj je obavezno prisutan i nadležni rudarski inspektor, izvršiti pregled i utvrditi da li su osigurani sigurni uslovi za nastavak radova.
- (7) Privremeni prekid izvođenja rudarskih radova je prekid koji ne traje duže od jedne godine.

Član 52.

(Potpuna i trajna obustava rudarskih radova)

- (1) Potpunu ili trajnu obustavu izvođenja rudarskih radova eksploatacije mineralnih sirovina privredno društvo dužno je prijaviti Ministarstvu i nadležnoj rudarskoj inspekciji u roku od 15 dana prije početka obustave radova.
- (2) U slučaju iz prethodnog stava, Ministarstvo će imenovati Komisiju koja će na licu mjesta provjeriti razloge obustave radova. Privredno društvo je dužno Komisiji predložiti dokumentaciju na osnovu koje je izvodilo radove na eksploataciji mineralnih sirovina i donijelo odluku o potpunju i trajnoj obustavi izvođenja radova, kao i rudarski projekt zatvaranja rudarskog objekta na kojem prestaje eksploatacija.

- (3) U sastav Komisije iz stava (2) ovog člana pored predstavnika Ministarstva, imenuju se i predstavnici Ministarstva prostornog uređenja i zaštite okoliša.
- (4) Poslije izvršenog pregleda, Komisija sačinjava zapisnik sa prijedlozima daljnjih mjera koje dostavlja Ministarstvu. Zapisnik predstavlja stručnu podlogu za izdavanje dozvole za obustavu eksploatacije iz člana 36. ovog Zakona.

Član 53.

(Sanacija i rekultivacija posljedica rudarskih radova na okoliš)

- (1) Poslije dobijanja dozvole za obustavu eksploatacije mineralne sirovine iz člana 36. stav (1) tačka b) ovog Zakona, privredno društvo mora izvršiti konačnu sanaciju zemljišta i rekultivaciju okoliša i otkloniti posljedice nastale pri izvođenju rudarskih radova, a na osnovu projekta sanacije i rekultivacije.
- (2) Privredno društvo dužno je, prema projektu izvođenja rudarskih radova, u kontinuitetu vršiti sanaciju zemljišta i tehničku rekultivaciju devastiranih površina nastalih usljed rudarskih radova.
- (3) Prije obavljanja konačne sanacije, privredno društvo je dužno provesti mjere osiguranja kako bi se trajno isključile opasnosti po život i zdravlje ljudi i imovine i mogući uzročnici zagađenja okoliša, odnosno štete na objektima i okolišu.
- (4) O izvršenim radnjama iz st. (1), (2) i (3) ovog člana, privredno društvo dužno je obavijestiti Ministarstvo, nadležnu rudarsku inspekciju i inspekciju za okoliš.
- (5) Ministarstvo će na osnovu obavještenja iz stava (4) ovog člana, putem Stručne Komisije izvršiti tehnički pregled kojim će se utvrditi da li je sanacija i rekultivacija okoliša izvedena u saglasnosti sa rudarskim projektom i da li su provedene mjere iz stava (3) ovog člana dovoljne, o čemu će izdati potvrdu privrednom društvu. Ako provedene mjere nisu dovoljne naredit će se privrednom društvu da u određenom roku otkloni utvrđene nedostatke.
- (6) Ako privredno društvo ne postupi po nalogu iz stava (5) ovog člana, Ministarstvo će provesti potrebne mjere sigurnosti na trošak privrednog društva.
- (7) U Stručnu Komisiju imenuju se 3 (tri) člana, od kojih su 2 (dva) predstavnici Ministarstva privrede, a 1 (jedan) je predstavnik Ministarstva prostornog uređenja i zaštite okoliša.
- (8) Troškove tehničkog pregleda snosi privredno društvo, na osnovu posebnog Rješenja koje donosi Ministar.

Član 54.

(Prestanak prava i obaveza)

- (1) Prava iz dozvola iz člana 37. ovog zakona prestaju donošenjem odluke o potpunoj i trajnoj obustavi eksploatacije.
- (2) Brisanje privrednog društva iz katastra eksploatacionih polja utvrđuje se odlukom iz stava (1) ovog člana.
- (3) Rudarski planovi, mjeračke knjige i druga dokumentacija o stanju rudarskih radova nakon donošenja odluke o obustavi eksploatacije moraju se deponovati u arhiv Kantona, a potvrdu o predaji dokumentacije u nadležni arhiv privredno društvo mora dostaviti Ministarstvu.
- (4) Prestankom ugovora o koncesiji prava iz dozvola regulisanih članom 37. stav (2) tačke c), d), e) i f) ovog zakona prestaju sa odlukom koju izdaje isti organ koji je izdao navedene dozvole.

Član 55.

(Otklanjanje posljedica rudarskih radova)

Privredno društvo dužno je da snosi sve troškove za otklanjanje šteta nastalih kao posljedica rudarskih radova.

Član 56.

(Katastar eksploatacionih polja)

- (1) Ministarstvo je dužno voditi katastar odobrenih eksploatacionih polja.
- (2) Ministarstvo je dužno pored katastra iz stava (1) ovog člana voditi Zbirku isprava te popis privrednih društava kojima su izdate dozvole.
- (3) Ministar će donijeti propise o katastru odobrenih eksploatacionih polja te o načinu vođenja zbirke isprava i popisa privrednih društava kojima su izdate dozvole za eksploataciju mineralnih sirovina.

V. TEHNIČKA DOKUMENTACIJA I PROJEKTOVANJE

Član 57.

(Tehnička dokumentacija)

- (1) Tehnička dokumentacija u smislu ovog Zakona je:
 - a) rudarski projekti;
 - b) idejna rješenja rudarskih projekata;
 - c) rudarski planovi i karte;
 - d) dugoročni i godišnji programi eksploatacije mineralnih sirovina;
 - e) dokumentacija o rezervama i pojavama mineralnih sirovina;
 - f) dokumentacija o uticaju rudarskih radova na okoliš;
 - g) dokumentacija o razvrstavanju rudnika i njihovih dijelova gdje se vrše rudarski radovi po stepenu opasnosti od metana i ugljene prašine; i
 - h) dokumentacija postrojenja, opreme i uređaja.
- (2) Kod izvođenja rudarskih radova koji nisu u neposrednoj vezi sa eksploatacijom mineralnih sirovina, dozvoljena je upotreba i tehničke dokumentacije koju propisuje poseban zakon iz oblasti gradnje.
- (3) Tehnička dokumentacija iz stava (1) ovog člana mora biti uskladen sa odredbama ovog zakona, propisima o zaštiti na radu i zaštiti zdravlja zaposlenika na radu u rudarstvu, zahtjevima propisanim u urbanističkoj saglasnosti, vodnoj saglasnosti, kao i sa drugim propisima koji su u primjeni u oblasti eksploatacije mineralnih sirovina kao i propisima o zaštiti okoliša i zaštiti od požara.
- (4) Tehnička dokumentacija iz stava (1) ovog člana treba biti uskladen sa savremenim dostignućima i metodama rudarske, geološke, geomehničke i drugih tehničkih nauka.

Član 58.

(Vrste rudarskih projekata)

Za izvođenje rudarskih radova i gradnju rudarskih objekata i ugradnju postrojenja izrađuju se projekti i to:

- a) glavni rudarski projekt;
- b) dopunski rudarski projekt i
- c) pojednostavljeni rudarski projekt.

Član 59.

(Glavni rudarski projekt)

- (1) Glavni rudarski projekt izrađuje se za nove jame, površinske kopove, postrojenja za pripremu i oplemenjivanje mineralnih sirovina, te za izgradnju i korištenje podzemnih prostora koji nisu u vezi sa eksploatacijom mineralnih sirovina.
- (2) Projekt iz stava (1) ovog člana izrađuje se na osnovu bilansnih rezervi mineralnih sirovina A, B i C 1 kategorije, sadržanih na prostoru koji je obuhvaćen projektom.
- (3) Dio bilansnih rezervi A + B mora biti najmanje 60% od čega rezerve kategorije A ne mogu biti manje od 10%.
- (4) Od ukupno utvrđenih bilansnih rezervi C 1 kategorije kao podloga za projektovanje može se uzeti najviše 50%, pod uslovom da se kontinuirano naslanja na rezerve B kategorije ili kada njihov prostorni položaj omogućava otkopavanje istim zahvatom otvaranja.

Član 60.

(Dopunski rudarski projekt)

Dopunski rudarski projekt radi se kao dopuna glavnom rudarskom projektu za izvođenje rudarskih radova, gradnju objekata i postrojenja u postojećim rudnicima, za rudarske radove na otvaranju i eksploataciji novih horizonata, revira, otkopnih polja ili dijela sloja i rudnih tijela te izgradnju i rekonstrukciju rudarskih objekata direktno vezanih uz eksploataciju mineralnih sirovina, izgradnju skladišta eksplozivnih sredstava, otkopnu metodu i izmjenu otkopne metode, tehnologije i postrojenja i dodatna rješenja u okviru rudničke sigurnosti i kolektivne zaštite, djelimičnu ili potpunu eksploataciju zaštitnih stubova i tehničku rekultivaciju.

Član 61.

(Pojednostavljeni rudarski projekt)

Pojednostavljeni rudarski projekt izrađuje se za radove manjeg obima, jednostavnije i tipske objekte, postrojenja i uređaje iz člana 7. ovog Zakona kao i za nebitna odstupanja od glavnog, odnosno dopunskog rudarskog projekta koji nema uticaja na osnovna projektna rješenja.

Član 62.

(Ponovna eksploatacija)

U rudnicima, rudarskim objektima, jamama i površinskim kopovima u kojima je potpuno ili trajno obustavljena eksploatacija mineralnih sirovina može se ponovno pristupiti eksploataciji samo na osnovu novog glavnog rudarskog projekta koje je odobrilo Ministarstvo.

Član 63.

(Izrada rudarskih projekata)

- (1) Izradu rudarskih projekata može vršiti privredno društvo registrirano za obavljanje tih poslova koje pored općih ispunjava i uslov da u radnom odnosu ima najmanje tri zaposlenika od čega najmanje jednog zaposlenika one struke za koju se radi projekt (geološka, rudarska, elektrotehnička, geodetska, rudarsko- mjerачka, mašinska i građevinska).
- (2) Izuzetno od stava (1) ovog člana, izradu rudarskih projekata za rudarske objekte na površini i to: garderobe sa kupatilom, stanice za spašavanje, dispečerski centri, regulacija vodotoka, sonovode, sistem veza za specifične radove na izgradnji i sanaciji rudarskih objekata mogu uraditi privredna društva koja ispunjavaju uslove za projektovanje, odnosno izradu investiciono-tehničke dokumentacije prema propisima iz oblasti građenja.

Član 64.

(Osposobljenost lica za izradu rudarskih projekata)

- (1) U privrednom društvu iz člana 63. ovog Zakona rudarski projekt može izrađivati projektant - diplomirani inženjer odnosno struke, koji ima položen stručni ispit i najmanje pet godina radnog iskustva, od čega najmanje tri godine u privrednom društvu na poslovima one vrste za koje se izrađuje projekt (rudarski, geološki, geodetski, rudarsko-mjerачki, elektrotehnički, mašinski, građevinski i dr.).
- (2) Kada u izradi rudarskog projekta učestvuje više projektanata mora se odrediti glavni projektant.
- (3) Projektantski nadzor nad izvođenjem rudarskih radova može vršiti lice koje ispunjava uslove određene za projektanta.
- (4) Ovlašteno lice privrednog društva mora uz rudarski projekt priložiti dokaz da projektant i glavni projektant rudarskog projekta ispunjavaju uslove iz stava (1) ovog člana.
- (5) Projektant koji je izradio rudarski projekt ili dio rudarskog projekta i glavni projektant rudarskog projekta pisanom izjavom potvrđuju da su u projektu primijenjeni uslovi iz člana 57. ovog zakona.
- (6) Privredno društvo u kojem je izrađen projekt ili dio rudarskog projekta dužno je pisanu izjavu iz stava (5). ovog člana priložiti uz izrađeni rudarski projekt, odnosno dio rudarskog projekta kao poseban akt.

- (7) Za sva rješenja i kvalitet projekta odgovorno je privredno društvo u kojem je projekt izrađen, projektant i glavni projektant.

Član 65.

(Revizija rudarskog projekta)

- (1) Rudarski projekti iz člana 58. ovog Zakona podliježu reviziji u pogledu primjene odredbi čl. 57. i 64. st. (5), (6) i (7) ovog Zakona.
- (2) Reviziju rudarskog projekta vrši privredno društvo koje ispunjava uslove iz člana 63. stav (1) ovog Zakona i koje ima saglasnost Ministarstva.
- (3) Revizija rudarskog projekta vrši se putem revidenta koji ima stručnu spremu i radno iskustvo iz člana 64. stav (1) ovog Zakona i zaključen ugovor o radu na neodređeno vrijeme sa privrednim društvom registrovanim za obavljanje revizije rudarskih projekata.
- (4) Reviziju rudarskog projekta ne može vršiti zaposlenik organa uprave, lice koje je učestvovalo u izradi projekta i privredno društvo, odnosno zaposlenik u privrednom društvu u kojem je izrađen projekt.
- (5) Za kvalitet revizije projekta odgovorni su privredno društvo u kojem je izvršena revizija i revidenti koji su izvršili reviziju.

Član 66.

(Zadatak revidenta)

- (1) Revident rudarskog projekta sačinjava izvještaj o izvršenoj reviziji kojim utvrđuje da li je rudarski projekt izrađen u skladu sa odredbama člana 57. ovog Zakona.
- (2) Ako revident utvrdi da u rudarskom projektu postoje nedostaci, ukazat će na njih i zatražiti da se nedostaci uklone.
- (3) U izvještaju o izvršenoj reviziji rudarskog projekta jamske otkopne metode revident je dužan dati svoje mišljenje o mogućnosti primjene projektovane otkopne metode u predviđenom otkopnom polju i predložiti koja, odnosno kakva ispitivanja i praćenja rudarsko preduzeće je dužno izvršiti u cilju dobivanja elemenata i podataka potrebnih za utvrđivanje uslova pod kojima će se projektovana metoda moći primjenjivati.

Član 67.

(Revizionu klauzula)

- (1) Privredno društvo u kojem je izvršena revizija rudarskog projekta dužno je na rudarskom projektu potvrditi da je izvršena revizija projekta (revizionu klauzula).
- (2) Klauzulom iz stava (1) ovog člana potvrđuje se da je revidirani projekt izrađen u skladu sa odredbama člana 57. st. (3) i (4) ovog Zakona.
- (3) Revizionu klauzulu potpisom i pečatom ovjerava ovlašteno lice privrednog društva u kojem je izvršena revizija.
- (4) Uz revidirani projekt privredno društvo iz stava (1) ovog člana prilaže izvod o upisu u sudski registar i odobrenje nadležnog organa za obavljanje poslova revizije rudarskih projekata i dokaze da revidenti rudarskog projekta ispunjavaju uslove iz člana 64. ovog Zakona kao i izvještaj revidenata o izvršenoj reviziji.
- (5) Revizija složenih projekata može se vršiti komisijski, a svaki revident je odgovoran za svoj dio izvršene revizije.
- (6) Revizionu klauzulu sa popisom svih revidenata za projekte iz stava (5) ovog člana potpisom i pečatom ovjerava ovlašteno lice privrednog društva u kojem je izvršena revizija, a potpisuje je predsjednik revizione komisije i svi revidenti.

Član 68.

(Izmjene u projektu za izvođenje radova)

- (1) Ako u toku realizacije glavnog rudarskog projekta dode do odstupanja od odobrenog projekta u pogledu općih tehničkih rješenja, radi se novi glavni rudarski projekt.

- (2) Ako u toku realizacije glavnog rudarskog projekta dođe do odstupanja od tehničkih projekata pojedinih faza tehnološkog procesa koje ne utiču na opća tehnička rješenja iz glavnog rudarskog projekta, rade se novi tehnički projekti.
- (3) Novi projekti iz st. (1) i (2) ovog člana odobravaju se na način utvrđen u čl. 31. i 37. ovog Zakona.
- (4) Manjim izmjenama u projektu za izvođenje radova smatraju se izmjene projekta tehničke i tehnološke prirode koje ne pogoršavaju uslove zaštite na radu.
- (5) Izvođenje radova počinje poslije dobijene pisane saglasnosti projektanta, uz saglasnost službe zaštite na radu. U svim saglasnostima utvrđuje se da se nisu pogoršali uslovi zaštite na radu određeni u rudarskom projektu.
- (6) Nužna odstupanja od odobrenih dopunskih rudarskih projekata u pogledu izvođenja i postavljanja postrojenja i instalacija kojima se bitno ne odstupi od osnovnih projektnih rješenja mogu se vršiti samo uz prethodnu saglasnost tehničkog rukovodioca izvođača rudarskih radova, službe zaštite na radu i projektanta.

VI. RUDARSKI PLANOV I RUDARSKA MJERENJA

Član 69. (Planovi i karte)

U cilju pravilnog i sigurnog izvođenja rudarskih radova i racionalne eksploatacije mineralnih sirovina, kao i sprečavanja materijalnih šteta, privredno društvo je na osnovu mjerenja dužno izradivati planove, odnosno karte iz kojih se može utvrditi stanje rudarskih radova, njihov međusobni položaj i položaj u odnosu na stare rudarske radove i na objekte i vode na površini.

Član 70. (Dostava i izrada planova i karata)

Kopije rudarskih planova i karata iz člana 69. ovog Zakona moraju se dostaviti Ministarstvu na njegov zahtjev.

Član 71. (Obavezni planovi i karte)

- (1) Privredno društvo mora imati:
 - a) situacioni nacrt eksploatacionog polja;
 - b) geološku kartu eksploatacionog polja i njegovog okoliša, kao i karakteristične geološke profile;
 - c) plan rudnika sa ucrtanom površinskom situacijom i podzemnim prostorijama, odnosno površinskim kopovima sa podacima o slijeganju terena;
 - d) planove pojedinih jama, odnosno površinskih kopova;
 - e) otkopne i etažne planove svih jamskih i površinskih rudarskih radova pojedinih revira;
 - f) planove energetske mreže (električna mreža, komprimirani zrak i dr.), vodovodne mreže kao i jamskih postrojenja sa glavnim tehničkim podacima;
 - g) plan sistema veza, daljinskog nadzora i uzbunjivanja;
 - h) planove provjetravanja jama;
 - i) planove tektonike i
 - j) plan odbrane i spašavanja od skupnih opasnosti i udesa.
- (2) Za rudnike sa velikim pritokom vode i složenom tektonikom, Ministar može propisati i vođenje hidrogeoloških planova i karte tektonike.
- (3) Planovi iz stava (1) tač. d), e), f), g), i h) ovog člana moraju se dopunjavati svakog mjeseca prema napredovanju rudarskih radova.
- (4) Ako se jamski radovi izvode u blizini starih radova ili napuštenih dijelova jame ili prema geološkim rasjedima, dopunjavanje planova vrši se po potrebi u kraćim rokovima.
- (5) Dopunjavanje planova vrši se u kraćim rokovima i kada se podzemni radovi kreću u području jamskih požara i vodenih akumulacija kao i javnih objekata ili zaštićenih područja.
- (6) Izuzetno od odredbe stava (3) ovog člana, dopunjavanje planova za površinske kopove, mogu se dopunjavati svakih šest mjeseci uz saglasnost Ministarstva.

- (7) Kopije planova iz stava (1) ovog člana, privredno društvo je dužno dostaviti na zahtjev Ministarstva.
- (8) Ako privredno društvo ne izvrši izmjene i dopune rudarskih planova svakih šest mjeseci, ministar će odrediti izvođača koji će izmjene i dopune izvršiti na trošak privrednog društva.

Član 72.

(Mjeračke knjige i rudarski planovi)

- (1) O svim izvršenim mjerenjima privredno društvo dužno je voditi mjeračke knjige koje se ovjeravaju prema propisima o ovjeri poslovnih knjiga.
- (2) Rudarska mjerenja vrše i planove izrađuju, odnosno dopunjavaju samo lica koja za ove poslove imaju stručnu kvalifikaciju (rudarski mjerači i geodeti).
- (3) Kod izrade novih rudarskih planova u njih se moraju prenijeti i svi detalji iz starih rudarskih planova, kao što su stari jamski otvori, stari radovi i rasjedi, visinske kote i dr.

Član 73

(Korištenje zemljišta za premjer)

Korisnici i vlasnici zemljišta dužni su dozvoliti privrednom društvu, odnosno izvođaču radova premjeravanje i postavljanje geodetskih tačaka i oznaka eksploatacionog polja.

Član 74.

(Dostavljanje planova)

Kopije planova iz člana 71. stav (1) od a) do g), ovog Zakona privredno društvo dužno je dostaviti na zahtjev Ministarstva.

Član 75.

(Plan eksploatacije mineralnih sirovina)

Privredno društvo dužno je izraditi dugoročni program i godišnji plan eksploatacije mineralnih sirovina i dostaviti ga Ministarstvu na njihov zahtjev.

Član 76.

(Uskladenost rudarskih projekata sa propisima koji reguliraju zaštitu okoliša)

Privredno društvo ili izvođač rudarskih radova dužan je rudarske projekte i nadzor o uticaju svoje djelatnosti na okoliš uskladiti sa propisima koji reguliraju zaštitu okoliša.

VII. NADZOR

Član 77.

(Nadzor)

- (1) Nadzor nad provedbom ovog Zakona i propisa donesenih na osnovu ovog zakona vrši Ministarstvo.
- (2) Inspeksijski nadzor nad provođenjem ovog Zakona i propisa donesenih na osnovu ovog Zakona vrši Kantonalna uprava za inspeksijske poslove (u daljem tekstu: inspekcija) putem kantonalnog rudarskog inspektora (u daljem tekstu: inspektor), a u skladu sa Zakonom o inspekcijama u Federaciji Bosne i Hercegovine ("Službene novine Federacije BiH", broj 69/05).

Član 78.

(Nadležnost inspekcije)

- (1) Inspekcija vrši inspeksijski nadzor nad provođenjem Zakona i propisa koji se odnose na:
 - a) koncesije vezane za eksploataciju mineralnih sirovina;
 - b) tehničke mjere pri obavljanju rudarske djelatnosti;
 - c) zaštitu na radu pri eksploataciji mineralnih sirovina;
 - d) zaštitu od požara i eksplozije pri eksploataciji mineralnih sirovina;
 - e) izgradnju i održavanje rudarskih objekata, postrojenja i uređaja;
 - f) transport, uskladištenje i rukovanje eksplozivnim materijalom;
 - g) izvođače radova;
 - h) tehničko rukovođenje i nadzor i

- i) rudarska mjerenja, pravilnu izradu i redovno dopunjavanje rudarskih planova -karata i ostalu dokumentaciju potrebnu za pravilno tehničko i racionalno izvođenje rudarskih radova i ažurno vođenje mjeračkih knjiga.
- (2) Inspektor nadzire i rad pogona koji su u neposrednoj vezi sa tehnološkim procesom izvođenja rudarskih radova i elektropostrojenja, kao i uređaja i instalacija pri izvođenju rudarskih radova.

Član 79.
(Ovlaštenja inspektora)

- (1) Pri vršenju inspeksijskog nadzora inspektor ima ovlaštenja:
 - a) u svako doba ući u sve poslovne i pogonske prostorije;
 - b) pregledati rudarske objekte, postrojenja, uređaje i instalacije;
 - c) pregledati tehničku i drugu dokumentaciju;
 - d) utvrditi identitet lica koja izvođe rudarske radove;
 - e) privremeno izuzeti tehničku dokumentaciju ili je fotokopirati;
 - f) fotografisati lokacije na kojima je zabranio radove;
 - g) uzeti potrebne podatke ili osnovne uzorke mineralnih sirovina ili drugog materijala;
 - h) tražiti pomoć stručne organizacije ili pojedinih stručnih lica i
 - i) zabraniti ili privremeno zabraniti izvođenje rudarskih radova.
- (2) Inspektor može u trajanju do osam dana izuzeti dokumentaciju koja mu je potrebna za utvrđivanje činjeničnog stanja o razmatranom predmetu i ako su prekršene odredbe ovog Zakona, tehničkih propisa i propisa iz oblasti zaštite na radu i zaštite zdravlja radnika i drugih propisa donesenih na osnovu ovog Zakona, ili ako sumnja da je učinjen prekršaj.
- (3) O izuzimanju dokumentacije iz stava (2) ovog člana inspektor izdaje privrednom društvu, odnosno izvođaču rudarskih radova potvrdu sa popisom izuzete dokumentacije.
- (4) Ako se u vršenju inspeksijskog nadzora inspektoru onemoguću obavljanje pregleda ili pruži fizički otpor ili ako se takav otpor osnovano očekuje, inspektor može zatražiti pomoć nadležne policije, koja je dužna postupiti u skladu sa odredbama Zakona o unutrašnjim poslovima Kantona Sarajevo.

Član 80.
(Dužnosti inspektora)

- (1) Inspektor mora odmah na licu mjesta otpočeti sa istragom okolnosti pod kojima je došlo do smrtnih slučajeva ili grupnih nesreća, odrediti mjere i na zahtjev nadležnog organa izdati pisano mišljenje o uzrocima nesreće.
- (2) Inspektor mora najmanje jednom u šest mjeseci izvršiti nadzor nad izvođenjem rudarskih radova u objektima koje ugrožava metan, drugi gasovi, prodori vode, mulja i blata, opasna ugljena prašina, silikatna prašina, živina para, kao i prostor sa opasnim radioaktivnim zračenjem i u slučajevima povećanog rizika od nastanka opasnosti.
- (3) Nadziranje rudarskih radova koji nisu obuhvaćeni u stavu (2) ovog člana inspektor je obavezan vršiti najmanje jednom godišnje.

Član 81.
(Dužnosti privrednog društva, odnosno izvođača rudarskih radova)

- (1) Privredno društvo, odnosno izvođač rudarskih radova dužan je inspektorom omogućiti vršenje inspeksijskog nadzora.
- (2) Privredno društvo, odnosno izvođač rudarskih radova dužan je omogućiti uvid u svu dokumentaciju društva, a na traženje inspektora odrediti jedno ili više lica koja će sudjelovati u utvrđivanju činjeničnog stanja pri obavljanju inspeksijskog pregleda.

Član 82.

(Zapisnik o inspeksijskom pregledu)

- (1) O obavljenom inspeksijskom pregledu inspektor je obavezan sastaviti zapisnik na licu mjesta navodeći činjenično stanje utvrđeno tim pregledom.
- (2) Zapisnik sastavlja inspektor koji je izvršio inspeksijski pregled. Ako je inspeksijski pregled obavilo istovremeno više inspektora po istom nalogu (kolektivni inspeksijski pregled) u tom slučaju zajednički sastavljaju jedan zapisnik.
- (3) Zapisnik osim navoda propisanih u Zakonu o upravnom postupku, sadrži i navode koje je neophodno navesti u obavljanju inspeksijskog pregleda.
- (4) Zapisnik o inspeksijskom pregledu je javna isprava osim onih dijelova zapisnika na koje je subjekt nadzora dao primjedbu da nije pravilno sastavljen.

Član 83.
(Upravne mjere)

Kad inspektor utvrdi da privredno društvo, odnosno izvođač rudarskih radova ne postupa ili nepotpuno postupa prema obavezama koje su mu određene propisima, dužan je prema utvrđenom činjeničnom stanju u zapisniku o obavljenom inspeksijskom pregledu naložiti odgovarajuće upravne mjere i to:

- a) narediti otklanjanje utvrđenih nedostataka i nepravilnosti na način i u roku kako je određeno ovim Zakonom i propisima donesenim na osnovu njega;
- b) narediti privremenu zabranu izvođenja radova;
- c) narediti zabranu izvođenja radova;
- d) narediti poduzimanje odgovarajućih upravnih radnji koje su privredni subjekt i drugo pravno lice, institucija koja ima javna ovlaštenja, odnosno organ uprave obavezni poduzeti;
- e) narediti sanaciju i rekultivaciju prostora obuhvaćenu eksploatacijom mineralne sirovine;
- f) prisilno provesti izvršenje određene upravne mjere kada je privredno društvo, odnosno izvođač rudarskih radova sam ne izvrši;
- g) podnijeti prijavu protiv privrednog društva, odnosno izvođača rudarskih radova i odgovornog lica za učinjeni prekršaj ili krivično djelo;
- h) odrediti i druge mjere i obaviti radnje određene ovim Zakonom i posebnim propisima;
- i) izreći zabranu rada u pogonu ili na određenim poslovima, ako utvrdi nedostatke iz člana 78. ovog Zakona;
- j) ako se nedostaci i propusti odnose na mjere zaštite na radu ili mjere za zaštitu života i zdravlja građana usljed kojih može nastati neposredna opasnost po život i zdravlje zaposlenika i drugih građana, inspektor će zabraniti rad u pogonu ili na određenim poslovima dok se postojeći nedostaci ne uklone;
- k) zabraniti ili privremeno zabraniti izvođenje rudarskih radova.

Član 84.

(Privremena zabrana izvođenja rudarskih radova)

- (1) Inspektor može rješenjem privremeno zabraniti izvođenje rudarskih radova privrednom društvu, odnosno izvođaču rudarskih radova do otklanjanja nedostataka, ako prilikom inspeksijskog pregleda utvrdi da:
 - a) privredno društvo, odnosno izvođač rudarskih radova nije osigurao potpunu ispravnost sredstava za rad, radni prostor i radni proces kako je to određeno odobrenim projektom i tehničkom dokumentacijom prema odredbama ovog Zakona;
 - b) privredno društvo, odnosno izvođač rudarskih radova ne primjenjuje u cijelosti odredbe ovog Zakona, tehničke propise, propise iz oblasti zaštite na radu i zaštite zdravlja radnika i druge propise i opće akte koji se odnose na

rudarske radove, odnosno ako se radovi ne izvode u skladu sa odobrenom tehničkom dokumentacijom;

- c) pri korištenju sredstava rada, primjeni radnih postupaka, korištenju radnog prostora koji nije zaštićen prijeti opasnost od povreda, ugrožavanja zdravlja zaposlenika privrednog društva, odnosno izvođača rudarskih radova i ako se zaposlenici ne pridržavaju odgovarajućih uputa za rad;
- d) privredno društvo, odnosno izvođač rudarskih radova nije postupio u skladu sa usmeno izrečenim naređenjem inspektora;
- e) privredno društvo, odnosno izvođač rudarskih radova onemogućava obavljanje inspekcijskog pregleda;
- f) privredno društvo, odnosno izvođač rudarskih radova nije postupio po rješenju za otklanjanje nedostataka.

Član 85

(Zabrana izvođenja rudarskih radova)

- (1) Inspektor će rješenjem zabraniti izvođenje rudarskih radova privrednom društvu, odnosno izvođaču rudarskih radova, ako prilikom inspekcijskog pregleda utvrdi da:
 - a) privredno društvo, odnosno izvođač rudarskih radova izvodi rudarske radove bez dozvole za izvođenje radova ili se rudarski radovi ne izvode prema odobrenoj projektnoj i tehničkoj dokumentaciji, ili se rudarski radovi izvode suprotno tehničkim propisima, propisima iz oblasti zaštite na radu i zdravlja radnika i drugim propisima koji se odnose na rudarske radove i općim aktima izvođača rudarskih radova, što može ugroziti živote i zdravlje zaposlenika, sigurnost saobraćaja i susjednih objekata i uzrokovati nastanak veće materijalne štete;
 - b) kod privrednog društva, odnosno izvođača rudarskih radova zaposlena lica koja ne ispunjavaju uslove o stručnoj osposobljenosti prema odredbama ovog Zakona;
 - c) privredno društvo, odnosno izvođač rudarskih radova ili njegovo odgovorno lice i pored usmenog naređenja inspektora ponovno krši odredbe tehničkih propisa, propisa iz oblasti zaštite na radu i zaštite zdravlja radnika i drugih propisa koji se odnose na rudarske radove, te općih akata izvođača rudarskih radova prema ovom Zakonu;
 - d) privredno društvo, odnosno izvođač rudarskih radova koristi objekte, postrojenja, uređaje i instalacije bez upotrebe dozvole, što neposredno ugrožava sigurnost objekata i uređaja, život i zdravlje ljudi, odvijanje saobraćaja, susjedne objekte i okoliš i predstavlja neposrednu opasnost za život i zdravlje zaposlenika i
 - e) privredno društvo, odnosno izvođač rudarskih radova pri izvođenju radova zahvata i područje van prostora određenog dozvolom za eksploataciju prema ovom Zakonu.

Član 86.

(Zabrana obavljanja djelatnosti)

Inspektor će rješenjem zabraniti obavljanje djelatnosti privrednom društvu, odnosno izvođaču rudarskih radova, ako prilikom inspekcijskog pregleda utvrdi:

- a) da za obavljanje djelatnosti ne ispunjava Zakonom propisane uslove;
- b) da se pri obavljanju djelatnosti ne primjenjuju propisi i standardi; i
- c) ako izradu i reviziju tehničke dokumentacije obavljaju lica koja ne ispunjavaju uslove prema ovom Zakonu.

Član 87.

(Usmeno određivanje upravne mjere)

- (1) U inspekcijskom pregledu inspektor će privrednom društvu, odnosno izvođaču rudarskih radova usmeno odrediti upravnu mjeru i narediti da se odmah izvrši:
 - a) kad je to obavezan prema ovom Zakonu i
 - b) kad je u nastaloj situaciji neophodno, prema ocjeni inspektora, poduzeti radnje na otklanjanju neposredne

opasnosti po život i zdravlje zaposlenika i građana ili nastanak veće materijalne štete.

- (2) Sadržaj usmene upravne mjere inspektor upisuje u knjigu rudarskog nadzora i u zapisnik o inspekcijskom nadzoru.

Član 88.

(Rok za donošenje rješenja)

- (1) Upravnu mjeru inspektor određuje rješenjem.
- (2) Rješenje o određenim upravnim mjerama inspektor je dužan donijeti u rokovima utvrđenim Zakonom, a u hitnim slučajevima najkasnije u roku od tri dana po isteku roka za davanje primjedbi na zapisnik o izvršenom inspekcijskom nadzoru.
- (3) O usmeno izrečenim upravnim mjerama inspektor je dužan donijeti rješenje u roku od tri dana od dana izricanja tih mjera.

Član 89.

(Izvršenje rješenja)

- (1) Izvršenje rješenja prati inspektor i utvrđuje po službenoj dužnosti.
- (2) Izvršenje rješenja inspektor utvrđuje kontrolnim pregledom ili drugim pisanim dokazom.
- (3) Izvršenje rješenja inspektor može produžiti do 30 dana osim rješenja kojim su upravne mjere usmeno utvrđene.

Član 90.

(Žalba na rješenje)

- (1) Žalba na rješenje o usmeno određenoj upravnoj mjeri nije dopuštena ali se može pokrenuti upravni spor.
- (2) Žalba na rješenje o naloženim upravnim mjerama iz čl. 83, 84, 85. i 86. može se izjaviti Ministarstvu u roku od osam dana od dana prijema rješenja.
- (3) Žalba na rješenje inspektora o naloženim upravnim mjerama iz stava (2) ovog člana ne odgađa izvršenje rješenja.

VIII. ZAŠTITA I UREĐENJE PROSTORA

Član 91.

(Ugrožavanje okoliša)

- (1) Privredno društvo je dužno osigurati izvođenje rudarskih radova u skladu sa okolinskom dozvolom i urbanističkom saglasnošću tako da ti radovi ne prelaze dozvoljena oštećenja okoliše.
- (2) Privredno društvo za vrijeme izvođenja rudarskih radova mora etapno, a najkasnije po završetku rudarskih radova, površinu koja je oštećena rudarskim radovima konačno sanirati i rekultivisati u skladu sa projektom i dozvolom za obustavu eksploatacije iz člana 36. ovog Zakona.
- (3) Privredno društvo ne može dobiti odobrenje za eksploataciju na novom eksploatacionom polju, ako ne izvrši tehničku rekultivaciju na ranijem odobrenom eksploatacionom polju.

Član 92.

(Saglasnost za građenje u eksploatacionom polju)

- (1) Za novu gradnju u granicama eksploatacionog polja, prije izdavanja urbanističke saglasnosti, potrebno je prethodno pribaviti mišljenje rudarskog preduzeća.
- (2) Saglasnost iz stava (1) ovog člana može se izdati i kada prema mišljenju privrednog društva koje vrši eksploataciju, postoji opasnost od oštećenja, ali samo ako ne postoji opasnost po život i zdravlje ljudi i ako se investitor pismeno odrekne prava na naknadu štete koja bi mogla nastati kao posljedica izvođenja rudarskih radova.
- (3) Izjava o odricanju prava na naknadu štete mora se ubilježiti u zemljišnim knjigama.

Član 93.

(Građenje u prostoru za eksploataciju)

- (1) Ako javni interes zahtijeva na površini eksploatacionog polja mogu se graditi javni putevi, željezničke pruge, kanali i druge saobraćajnice, elektroprovodnici visokog napona,

- vodovodi, ako se osiguraju zaštitni stubovi kojima će se spriječiti ugrožavanje života ljudi i izgrađenih objekata.
- (2) Prije nego se uradi projektna dokumentacija za objekte iz stava (1) ovog člana, investitor mora od privrednog društva tražiti mišljenje o tome koji bi pravac i položaj tih objekata u eksploatacionom polju bio najprimjereniji.
- (3) U skladu sa važećim propisima privredno društvo ima pravo na naknadu stvarne štete nastale izgradnjom objekata iz stava (1) ovog člana.

IX. KAZNE NE ODREDBE

Član 94.
(Prekršaji)

- (1) Novčanom kaznom od 10.000,00 KM do 15.000,00 KM bit će kažnjeno za prekršaj privredno društvo i drugo pravno lice:
- ako vrši eksploataciju mineralnih sirovina bez odobrenja za eksploataciju i bez dozvole nadležnog organa (član 8. stav (1));
 - koje izvodi rudarske radove bez dozvole za izvođenje rudarskih radova prema projektu (član 9. stav (1));
 - ako ne organizuje službu spašavanja, vatrogasnu službu i službu prve pomoći ili ne zaključe ugovor sa odgovarajućim službama (član 15.);
 - ako odmah ne obavijesti Ministarstvo, rudarskog inspektora i Ministarstvo unutrašnjih poslova o svakom smrtnom slučaju, grupnoj povredi, teškoj povredi na radu i svakoj drugoj rudarskoj nesreći (član 16. stav (3));
 - ako ne organizuje službu zaštite na radu, ne provede mjere zaštite na radu i mjere za sigurnost građana i imovine (član 17. stav (2), član 58. stav (1) i član 44. stav (1));
 - ako ne osigura izvođenje rudarskih radova prema odobrenoj tehničkoj dokumentaciji i propisima, kao i stalni nadzor svih rudarskih radova, postrojenja i uređaja (član 30.);
 - ako ne vodi knjigu rudarskog nadzora (član 30.);
 - ako u određenom roku rudarskoj inspekciji ne prijavi početak izvođenja rudarskih radova i lica koja će obavljati poslove tehničkog i glavnog tehničkog rukovođenja ili ako ne prijave prestanak rudarskih radova (član 40.);
 - ako stavi u redovnu upotrebu objekte, postrojenja i uređaje prije dobijanja dozvole za upotrebu (član 41. stav (1));
 - ako Ministarstvu i rudarskoj inspekciji u propisanim rokovima ne prijavi svaku privremenu obustavu rudarskih radova ili sličaj pojave opasnosti po živote i zdravlje radnika ili ponovni početak rudarskih radova (član 45. st. (1), (2) i (3));
 - ako Ministarstvu i rudarskoj inspekciji u propisanom roku ne prijavi svaku potpunu ili trajnu obustavu izvođenja rudarskih radova (član 51. stav (1));
 - ako nakon završetka ili trajne obustave rudarskih radova u roku utvrđenom ovim zakonom ne izvrši konačnu sanaciju zemljišta i rekultivaciju okoliša nastalih uticajem rudarskih radova i ne uklone posljedice nastale rudarskim radovima, ne preduzmu potrebne mjere osiguranja za zaštitu života i zdravlja ljudi i imovine i ako o tome ne obavijeste Ministarstvo i nadležne inspekcije (član 53. st. (1), (2), (3) i (4));
 - ako ne posjeduju propisanu tehničku dokumentaciju (član 57.);
 - ako na osnovu mjerenja ne izrade planove i karte iz člana 71. tačka a) do j) ovog zakona, ako ih redovno ne dopunjava, ako ne vode mjeračke knjige, ako ne izradi dugoročni program i godišnji plan eksploatacije i ako te programe i planove ne dostavi Ministarstvu (čl. 69., 70., 71., 72.);
 - ako na poslove vršenja nadzora i tehničkog rukovođenja rudarskim radovima rasporede lica koja ne ispunjavaju propisane uslove (član 18. do 24.);

- ako se izvođenje rudarskih radova ne obavlja u skladu sa okolinskom dozvolom i urbanističkom saglasnošću (član 91. stav (1)).
- (2) Za prekršaje iz stava (1) ovog člana bit će kažnjeno odgovorno lice u pravnom licu novčanom kaznom u iznosu od 1000,00 KM do 3.000,00 KM.
- (3) Za prekršaje iz stava 1. tač. a) i b) ovog člana izreći će se uz novčanu kaznu:
- zaštitna mjera oduzimanja predmeta koji su upotrijebljeni ili su bili namijenjeni za izvršenje prekršaja ili su nastali izvršenjem prekršaja ili kada postoji opasnost da će se takvi predmeti ponovno upotrijebiti za počinjenje prekršaja, bez obzira na to da li su u vlasništvu počinitelja i
 - mjera oduzimanja imovinske koristi pribavljene izvršenjem prekršaja.
- (4) Imovinskom koristi iz stava (3) tačka b) ovog člana smatra se tržišna vrijednost mineralne sirovine dobivene nelegalnom eksploatacijom.

Član 95.
(Prekršaji)

- (1) Novčanom kaznom od 3.000,00 KM do 15.000,00 KM bit će kažnjeno za prekršaj privredno društvo i drugo pravno lice:
- ako su rješenja u projektu nekvalitetna i ako je projekat nekvalitetno izrađen (član 65. stav (7));
 - ako uz izrađeni rudarski projekat ili dio rudarskog projekta ne postoji pisana izjava kojom projektant i glavni projektant potvrđuju da su u projektu primjenjeni uslovi iz člana 58. ovog Zakona (član 65. stav (5));
 - ako je revizija projekta nekvalitetno izvršena (član 66. stav (5));
 - ako izvršenom revizijom projekta nije provjerena primjena čl. 56. i 65. st. (5), (6) i (7) ovog Zakona (član 65. stav (1)).
- (2) Za prekršaj iz stava (1) ovog člana, bit će kažnjeno odgovorno lice u pravnom licu novčanom kaznom u iznosu od 1.000 KM do 2.500 KM bit će kažnjen:
- (3) Za prekršaj iz stava (1) tač. a) i b) ovog člana, bit će kažnjen projektant i glavni projektant novčanom kaznom od 1.000,00 do 2.500,00 KM.
- (4) Za prekršaj iz stava (1) tač. c) i d) ovog člana, bit će kažnjen revident novčanom kaznom od 1.000,00 do 2.500,00 KM.

X. PRIJELAZNE I ZAVRŠNE ODREDBE

Član 96.

(Primjena Zakona na bespravne korisnike eksploatacionih polja)

- (1) Privredna društva koja eksploatišu mineralnu sirovinu bez odobrenja za eksploataciju i dozvole, dužna su u roku od 90 dana izraditi Projekat sanacije i rekultivacije, koji mora biti izrađen od strane ovlaštene institucije.
- (2) Ukoliko privredno društvo ne postupi po odredbi stava (1) ovog člana, rudarski inspektor će donijeti rješenje kojim će utvrditi kaznu u skladu sa članom 93., i utvrditi rok za izradu Projekta.
- (3) Rok za izvršenje sanacije i rekultivacije je godina dana od dana stupanja na snagu ovog Zakona.
- (4) Privredno društvo će po izvršenim radovima na sanaciji i rekultivaciji zemljišta obavijestiti Ministarstvo.
- (5) Ministarstvo će formirati Stručnu komisiju iz člana 53. ovog zakona koja će utvrditi da li su provedene mjere dovoljne i da li su urađene u skladu sa Projektom sanacije i rekultivacije.

Član 97.
(Ravnopravnost spolova)

Odredbe ovog Zakona odnose se podjednako na osobe muškog i ženskog spola, bez obzira na rod imenice upotrebene u tekstu zakona.

Član 98.
(Propisi Ministarstva)

Ministarstvo će propise iz člana 41. i 56. ovog Zakona donijeti u roku od šest mjeseci od dana stupanja na snagu ovog Zakona.

Član 99.
(Stupanje Zakona na snagu)

Ovaj Zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-20589/12	Predsjedavajuća
19. juna 2012. godine	Skupštine Kantona Sarajevo
Sarajevo	Prof. dr. Mirjana Malić , s. r.

Na osnovu Amandmana XXIX stav 4. na Ustav Kantona Sarajevo ("Službene novine Kantona Sarajevo", broj 28/04) i člana 199. stav 1. Poslovnika Skupštine Kantona Sarajevo ("Službene novine Kantona Sarajevo", - Novi prečišćeni tekst br. 25/10 i br. 14/11, 19/11 i 7/12), Skupština Kantona Sarajevo, na sjednici održanoj dana 19.06.2012. godine, donijela je

ODLUKU

**O POTVRĐIVANJU IMENOVANJA MINISTARA U
VLADI KANTONA SARAJEVO**

I

Potvrđuju se imenovanja ministara u Vladi Kantona Sarajevo u sastavu:

1. Zlatko Petrović, diplomirani pravnik, Ministarstvo prostornog uređenja i zaštite okoliša;
2. Mersiha Slipičević, diplomirana ekonomistica, Ministarstvo stambene politike;
3. Mirza Sendjarević, diplomirani ekonomista, Ministarstvo finansija;
4. Dubravko Lovrenović, dr. historijskih nauka, Ministarstvo kulture i sporta;
5. Zilha Ademaj, diplomirana ekonomistica, Ministarstvo za rad, socijalnu politiku, raseljena lica i izbjeglice;
6. Vahid Karavelić, magistar političkih nauka, Ministarstvo za boračka pitanja.

II

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 01-05-20587/12	Predsjedavajuća
19. juna 2012. godine	Skupštine Kantona Sarajevo
Sarajevo	Prof. dr. Mirjana Malić , s. r.

Na osnovu čl. 18. tačka b) i čl. 38 stav (1) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 04/01, 28/04, i 31/04), čl. 46. Zakona o budžetima u FBiH ("Službene novine Federacije BiH", br. 19/06, 76/08, 5/09, 32/09, 9/10, 36/10 i 45/10), čl. 21. st. (3) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH, br. 8/07, 24/09 i 44/10) i Poglavlja II Procedura zaduživanja Kantona Sarajevo na osnovu vanjskog i unutrašnjeg duga i izdavanja garancija ("Službene novine Kantona Sarajevo", broj 10/11), Skupština Kantona Sarajevo, na sjednici održanoj dana 19.06.2012. godine, donijela je

ODLUKU

**O DAVANJU SAGLASNOSTI NA ODLUKU O
ZADUŽENJU KOD UNICREDIT BANK D.D. MOSTAR
ZA KREDITE U IZNOSU OD 11.000.000,00 KM**

I

Daje se saglasnost na Odluku o zaduženju kod UniCredit bank d.d. Mostar za kredite u iznosu od 11.000.000,00 (LOT I - 6.000.000,00 KM i LOT II - 5.000.000,00 KM) broj 02-

05-19678-1.2/12 od 07.06.2012. godine, koju je donijela Vlada Kantona Sarajevo.

II

Ova odluka stupa na snagu narednog dana od dana objave u "Službenim novinama Kantona Sarajevo".

Broj 01-05-20591/12	Predsjedavajuća
19. juna 2012. godine	Skupštine Kantona Sarajevo
Sarajevo	Prof. dr. Mirjana Malić , s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04) i čl. 24. 25. i 32. Zakona o zaštiti prava pripadnika nacionalnih manjina u Kantonu Sarajevo ("Službene novine Kantona Sarajevo", broj 27/11), Skupština Kantona Sarajevo, na sjednici održanoj dana 19.06.2012. godine, donijela je

ODLUKU

**O DOPUNI ODLUKE O IMENOVANJU ČLANOVA
VIJEĆA NACIONALNIH MANJINA KANTONA
SARAJEVO**

I

U Odluci o imenovanju Vijeća nacionalnih manjina Kantona Sarajevo ("Službene novine Kantona Sarajevo", broj 13/12) u tački III, iza alineje 13. briše se tačka i zamjenjuje se interpunkcijskim znakom ";", i dodaju se al. 14. i 15. koje glase:

"14. Violeta Džolan, predstavnik Rumunske nacionalne manjine;
15. Jasmin Hasanović, predstavnik Romske nacionalne manjine."

II

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-20592/12	Predsjedavajuća
19. juna 2012. godine	Skupštine Kantona Sarajevo
Sarajevo	Prof. dr. Mirjana Malić , s. r.

Na osnovu člana 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04) i člana 8. stav 2. Zakona o privatizaciji preduzeća ("Službene novine Federacije BiH", broj 27/97, 8/99, 32/00, 45/00, 54/00, 61/01, 27/02, 33/02, 28/04, 44/04, 42/06, 19/07, 2/08 i 4/09), Skupština Kantona Sarajevo, na sjednici održanoj dana 19.06.2012. godine, donijela je

ODLUKU

**O IZMJENAMA ODLUKE O PROGLAŠENJU OPĆEG
DOBRA I PRIRODNOG BOGATSTVA DIJELOVA
PREDUZEĆA KOJIM UPRAVLJA "ZOI '84" -
OLIMPIJSKI CENTAR SARAJEVO D.J.L. SARAJEVO I
IZUZIMANJU IZ POČETNOG BILANSA I PROGRAMA
PRIVATIZACIJE**

Član 1.

U Odluci o proglašenju općeg dobra i prirodnog bogatstva dijelova preduzeća kojim upravlja "ZOI '84" - Olimpijski centar Sarajevo d.j.l. Sarajevo i izuzimanju iz početnog bilansa i Programa privatizacije ("Službene novine Kantona Sarajevo", broj 16/00 i 32/01), u članu 1. stav 1. tačka 4., briše se.

Član 2.

Ova Odluka stupa na snagu danom donošenja i objavit će se u "Službenim novinama Kantona Sarajevo".

Broj 01-05-20593/12	Predsjedavajuća
19. juna 2012. godine	Skupštine Kantona Sarajevo
Sarajevo	Prof. dr. Mirjana Malić , s. r.

upisanim u z.k. uložak broj 2763 K.O. SP_CRNOTINA sa pravom vlasništva KJKP "Sarajevogas" d.o.o. Sarajevo sa dijelom 1/1.

II

Daje se saglasnost Kantonalnom javnom komunalnom preduzeću "Toplane - Sarajevo" d.o.o. Sarajevo da radi obezbjeđenja kredita iz tačke I ove Odluke koje će KJKP "Sarajevogas" d.o.o. Sarajevo zaključiti sa UNION bankom d.d. Sarajevo može u svojstvu sudužnika potpisati kredit kod UNION banke d.d. Sarajevo.

III

Ovlašćuje se Muhamed Kozadra vršilac funkcije premijera Kantona Sarajevo da u ime Vlade Kantona Sarajevo potpiše Sporazum o međusobnim obavezama za obezbjeđenje sredstava za vraćanje kredita namijenjenog za sprečavanje obustave isporuke prirodnog gasa Kantonu Sarajevo.

IV

Zadužuje se Vlada Kantona Sarajevo da odobrena sredstva iz tačke I ove Odluke planira u Budžetu Kantona Sarajevo za 2015., 2016., 2017. i 2018. godinu.

V

Zadužuje se Preduzeće da Skupštini Kantona Sarajevo nakon kreditnog zaduženja kod komercijalne banke od odobrenog iznosa iz tačke I ove odluke, namijenjenog za sprečavanje obustave isporuke prirodnog gasa za Kanton Sarajevo, dostavi detaljan izvještaj o utrošku kreditnih sredstava sa kompletnom pratećom dokumentacijom.

VI

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-23828/14
03. septembra 2014. godine
Sarajevo

Predsjedavajuća
Skupštine Kantona Sarajevo
Prof. dr. Mirjana Malić, s. r.

Zakonodavno-pravna komisija Skupštine Kantona Sarajevo

Na osnovu člana 8. Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13) i člana 181. stav 1. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno-pravna komisija Skupštine Kantona Sarajevo, na sjednici 22.08.2014. godine, utvrdila je Novi prečišćeni tekst Zakona o Vladi Kantona Sarajevo.

Prečišćeni tekst Zakona o Vladi Kantona Sarajevo obuhvata: Zakon o Vladi Kantona Sarajevo ("Službene novine Kantona Sarajevo" broj 24/03-Prečišćeni tekst) i Zakon o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u kojim je naznačen dan stupanja na snagu tih zakona.

Broj 01-05-22971-1/14
22. augusta 2014. godine
Sarajevo

Po ovlaštenju
Esad Hrvatić, s. r.

ZAKON

O VLADI KANTONA SARAJEVO (Novi prečišćeni tekst)

I OPĆE ODREDBE

Član 1.

Ovim zakonom uređuje se sastav i organizacija, kao i druga pitanja od značaja za rad Vlade Kantona Sarajevo (u daljem tekstu: Vlada Kantona).

Član 2.

Vlada Kantona je izvršna vlast Kantona Sarajevo (u daljem tekstu: Kanton), u skladu sa Ustavom.

Član 3.

Vlada Kantona vrši svoja prava i dužnosti na osnovu i u okviru Ustava i ovog zakona.

Član 4.

Sjedište Vlade Kantona je u Sarajevu.

Član 5.

Vlada Kantona donosi poslovnik o radu kojim se uređuje: organizacija i način rada, postupak i način zakazivanja sjednice; dostavljanje i forma materijala za razmatranje, utvrđivanje prijedloga zaključaka i drugih akata; postupak razmatranja materijala; način ravnopravne upotrebe jezika i pisma konstitutivnih naroda u pripremi i izradi pisanih materijala; način izvršavanja zaključaka; prenošenje ovlaštenja i druga poslovnička pitanja.

Član 6.

Vlada Kantona raspolaže imovinom u vlasništvu Kantona u okviru ovlaštenja koja joj Skupština Kantona prenese posebnim propisom.

II - SASTAV I ORGANIZACIJA VLADE KANTONA

Član 7.

Vladu Kantona čine premijer Kantona (u daljem tekstu: premijer) i 12 ministara.

Član 8.

U slučaju privremene spriječenosti premijera, funkciju premijera vrši član Vlade kojeg odredi premijer.

U slučaju privremene spriječenosti premijera duže od 30 dana, funkciju premijera vrši član Vlade kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

U slučaju da mjesto premijera ostane upražnjeno, kandidat za premijera se imenuje u roku od 30 dana od dana kada je mjesto premijera ostalo upražnjeno, na način utvrđen ustavom, do kada funkciju premijera obavlja član Vlade Kantona kojeg odredi predsjedavajući Skupštine Kantona, u konsultaciji sa zamjenicima predsjedavajućeg Skupštine Kantona.

S danom imenovanja kandidata za premijera smatra se da su dosadašnji članovi Vlade u ostavci, koja stupa na snagu danom potvrđivanja imenovanja Vlade u novom sazivu.

Do potvrđivanja imenovanja Vlade u novom sazivu dosadašnji članovi Vlade nastavljaju s obavljanjem funkcije članova Vlade i ministara ministarstava.

Potvrđivanje Vlade u novom sazivu obaviti će se u roku od 30 dana od dana imenovanja kandidata za premijera.

Član 9.

U slučaju privremene spriječenosti člana Vlade, kada se razmatraju materijali iz nadležnosti ministarstva kojim rukovodi odsutni član Vlade, sjednicama Vlade prisustvuje sekretar tog ministarstva, bez prava glasa.

U slučaju privremene spriječenosti člana Vlade duže od 30 dana, funkciju ministra ministarstva kojim rukovodi odsutni ministar vrši član Vlade kojeg odredi premijer.

U slučaju da mjesto člana Vlade ostane upražnjeno, član Vlade se imenuje u roku od 30 dana od dana kada je mjesto člana Vlade ostalo upražnjeno, na način utvrđen ustavom, do kada funkciju ministra ministarstva kojim je rukovodio dotadašnji ministar obavlja član Vlade kojeg odredi premijer.

Ministar iz st. 2. i 3. ovog člana kojeg odredi premijer, ne obavlja i funkciju člana Vlade umjesto odsutnog ministra.

Član 10.

U slučaju kad Skupština izglasa nepovjerenje Vladi, premijer i članovi Vlade podnose pismenu ostavku, najkasnije u roku od

VII - AKTA VLADE KANTONA

Član 26.

Vlada Kantona u ostvarenju svojih nadležnosti utvrđenih ustavom donosi uredbе, odluke, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organa uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14

22. augusta 2014. godine
SarajevoPo ovlaštenju
Esad Hrvačić, s. r.

ZAKON

O SUDSKIM TAKSAMAMA

(Prečišćeni tekst)

DIO PRVI. OPĆE ODREDBE

Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifit sudskih taksi, koja je sastavni dio ovog zakona.

Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: takseni obveznik).
- (2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev

Član 4.

Izveštaj o izvršenju Budžeta Općine Vogošća za period 01.01.2014.-30.06.2014. godine, objavit će se u "Službenim novinama Kantona Sarajevo".

Broj 01-14-1780/14 Predsjedavajući
08. septembra 2014. godine Općinskog vijeća Vogošća
Vogošća Esad Pikić, s. r.

ISPRAVKA

Na osnovu člana 164. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst, br. 15/13 i 47/13), sekretar Skupštine Kantona Sarajevo, nakon podnesenog zahtjeva za ispravku Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst) daje sljedeću

ISPRAVKU

ZAKONA O VLADI KANTONA SARAJEVO

("Službene novine Kantona Sarajevo", broj 36/14 - Novi prečišćeni tekst)

1. U članu 13. stav 1. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst), umjesto riječi: "članom 8b.", treba da stoje riječi: "članom 10.".
2. U članu 13. stav 4. Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst), umjesto riječi: "člana 8a.", treba da stoje riječi: "člana 9.".
3. Ovu ispravku objaviti u "Službenim novinama Kantona Sarajevo".

Broj 01-05-22971-1-1/14 Sekretar
12. septembra 2014. godine Skupštine Kantona Sarajevo
Sarajevo Abid Kolašinac, s. r.

FEDERALNI ZAVOD ZA STATISTIKU

SAOPĆENJE

O PROSJEČNOJ ISPLAĆENOJ MJESEČNOJ NETO
PLAĆI ZAPOSLENIH U KANTONU SARAJEVO ZA
JULI/SRPANJ 2014. GODINE

1. Prosječna isplaćena mjesečna neto plaća po zaposlenom ostvarena u Kantonu Sarajevo za juli/srpanj 2014. godine iznosi 1.045 KM.

Broj 39 Direktor
11. septembra 2014. godine Hidajeta Bajramović, s. r.

SLUŽBENE OBJAVE

UDRUŽENJA

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "ODRED IZVIĐAČA RAKOVICA 9", Ministarstvo pravde i uprave donosi

RJEŠENJE

1. Upisuje se u registar udruženja koji se vodi kod Ministarstva pravde i uprave Kantona Sarajevo Udruženje "ODRED IZVIĐAČA RAKOVICA 9", skraćeni naziv je OI RAKOVICA 9, sa sjedištem u Rakovici, ulica RAKOVIČKA 9, ČESTA broj 471.
2. Upis je izvršen pod registarskim brojem 1942. knjiga IV registra udruženja, dana 12.06.2014. godine.
3. Programski ciljevi i zadaci Udruženja su: Razvoji i unapređenje izviđaštva u lokalnoj zajednici; razvoj kod svojih članova za poštivanje ljudi, razvijanje prijateljstva među ljudima, narodima, kako u lokalnoj zajednici, tako i na međunarodnom nivou, provođenje načela koje se temelje na savremenim pedagoškim spoznajama kao i na zamislama utemeljitelja izviđačkog sporta Sir Robert Baden Powella; pridonosenje razvoju djece i mladih, na dostizanju njihovih punih umnih i tjelesnih potencijala, kao pojedinca, odgovornih građana i članova lokalne, nacionalne i međunarodne zajednice; organizovanje izviđačkih škola za učenike osnovnih i srednjih škola, kao i studenata radi sticanja izviđačkih znanja i vještina; organizovanje izviđačkih kampova, od lokalnog do međunarodnog nivoa, organizovanje časova ekološke edukacije, članova i građana o značaju zaštite čovjekove okoline radi sprječavanja od svih vidova i oblika zagađivanja, te drugi ciljevi i djelatnosti u skladu sa zakonom i Statutom.
4. Osoba ovlaštena za zastupanje i predstavljanje je: Baberović Anes - predsjednik Upravnog odbora.

Broj 03-05-05-3053/14
12. juna 2014. godine
Sarajevo

Ministrica
Velida Memić, s. r.

(O-874/14)



SLUŽBENE NOVINE KANTONA SARAJEVO

Godina I - Broj 1

Ponedjeljak, 11. marta 1996.
SARAJEVO

Za svaki broj
se pojedinačno određuje
cijena

Na osnovu članova V-1.4. i IX-3(4) Ustava Federacije Bosne i Hercegovine ("Službene novine Federacije BiH", broj 1/94), Skupština Kantona Sarajevo, na sjednici održanoj dana 11. marta 1996. godine, donosi

USTAV KANTONA SARAJEVO

I - OPĆE ODREDBE

Član 1.

Sadržaj

Ovim Ustavom uređuju se organizacija i status Kantona Sarajevo (dalje: Kanton), njegove nadležnosti i struktura vlasti.

Član 2.

Uspostavljanje Kantona

Područje grada Sarajeva koje je razgraničenjem između entiteta u Bosni i Hercegovini izvršenim Mirovnim sporazumom za Bosnu i Hercegovinu potpisanim u Parizu 14. decembra/prosinca 1995. godine (dalje: Mirovni sporazum) pripalo Federaciji Bosni i Hercegovini (dalje: Federacija), organizira se kao kanton sukladno Ustavu Federacije i ovom Ustavu.

Član 3.

Naziv i sjedište Kantona

Službeni naziv Kantona je: Kanton Sarajevo.
Sjedište Kantona je u Sarajevu.

Član 4.

Teritorij Kantona

Teritorij Kantona obuhvata područja općina Centar Sarajevo, Hadžići, Ilidža, Ilijaš, Novi Grad Sarajevo, Novo Sarajevo, Stari Grad Sarajevo, Trnovo i Vogošća, kako je to utvrđeno Mirovnim sporazumom. Ovaj teritorij se blije utvrđuje posebnim propisom Skupštine Kantona (dalje: Skupština) sukladno federalnim zakonima.

U slučaju izmjena teritorija Kantona odvajanjem dijelova teritorije radi pripajanja kantonima ili pripajanjem dijelova drugih kantona ovom Kantonu, Skupština daje svoje prethodno mišljenje, a radi njegove potvrde može zatražiti i lično i izjašnjavanje građana sa područja Kantona na neki od propisanih načina.

Član 5.

Službeni obilježja Kantona

Kanton ima grb, zastavu, himnu/svečanu pjesmu i pečat, kao i druga obilježja o kojima odluči Skupština.

Službeni obilježja Kantona upotrebljavat će se samostalno ili zajedno sa službenim obilježjima Bosne i Hercegovine i Federacije, kako je to određeno njihovim propisima i propisima Kantona.

Za prihvatanje službenih obilježja iz prethodnog stava u Skupštini potrebna je kvalifikovana većina ukupnog broja poslanika.

Član 6.

Odnos prema Bosni i Hercegovini i Federaciji

Sarajevo je glavni grad Bosne i Hercegovine i Federacije, kako je to određeno njihovim ustavima.

Organi vlasti u Kantonu su dužni obezbijediti punu zaštitu interesa Bosne i Hercegovine i Federacije u njihovom glavnom gradu. Oni ne mogu donositi bilo kakve

propise ili druge akte niti preduzimati radnje kojima bi se na bilo koji način ograničavala prava ili narušavali interesi Bosne i Hercegovine ili Federacije na ovom području.

II - ZAŠTITA LJUDSKIH PRAVA I SLOBODA

Član 7.

Utvrđivanje ljudskih prava i sloboda

Na području Kantona obezbjeđuje se puna zaštita ljudskih prava i sloboda utvrđenih Ustavom Bosne i Hercegovine i Ustavom Federacije, kao i u instrumentima datim u Aneksu Ustava Federacije.

Skupština ili bilo koji drugi organ Kantona ne mogu reducirati ljudska prava i slobode utvrđene aktima iz prethodnog stava. Oni su dužni u donošenju propisa i u njihovoj primjeni posebno voditi računa o efektima koje ti propisi imaju ili mogu imati u oblasti ljudskih prava i sloboda.

Član 8.

Zaštita ljudskih prava i sloboda

Skupština će obezbijediti donošenje takvih propisa kojima će se u prvom redu zaštititi utvrđena ljudska prava i slobode, te uvesti efikasni instrumenti te zaštite.

Organi vlasti u Kantonu prilikom izvršavanja propisa su obavezni onemogućiti svako narušavanje ljudskih prava i sloboda, te poduzimati sve potrebne mjere iz svoje nadležnosti radi njihove potpune zaštite. Ovo se posebno odnosi na policijske snage koje će efikasnim, preventivnim i operativnim radom obezbijediti punu ličnu i imovinsku zaštitu svakog građanina.

Član 9.

Komisija za ljudska prava

Radi zaštite ljudskih prava i sloboda i kontrole rada svih organa vlasti Kantona u ovoj oblasti, Skupština obrazuje posebnu Komisiju za ljudska prava.

Broj članova, način njihovog imenovanja te nadležnosti Komisije iz prethodnog stava utvrđuju se posebnim propisom Kantona.

Član 10.

Suradnja sa ombudsmenom i međunarodnim organizacijama

Skupština i drugi organi vlasti su obavezni pružiti ombudsmenu Bosne i Hercegovine, ombudsmenu Federacije i svim međunarodnim posmatračkim tijelima za ljudska prava potrebnu pomoć u vršenju njihovih funkcija na području Kantona.

U okviru pomoći iz prethodnog stava organi Kantona će naročito:

- a) staviti na uvid sve službene dokumente uključujući i one tajnog karaktera, te sudske i upravne spise;
- b) osigurati suradnju svake osobe i svakog službenika u davanju potrebnih informacija i podataka;
- c) osigurati pristup i kontrolu na svim mjestima gdje su osobe lišene slobode, zatvorene ili gdje rade;

d) omogućiti prisustvo sudskim i upravnim postupcima kao i sastancima organa.

Nalazi i izvještaji tijela iz stava 1. ovog člana će se razmatrati u nadležnim organima po hitnom postupku, te će na osnovu toga biti preduziman odgovarajuće mjere gdje to bude potrebno.

III - NADLEŽNOSTI KANTONA

Član 11.

Određivanje nadležnosti

Kanton ima nadležnosti utvrđene Ustavom Federacije i ovim Ustavom.

U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu pretpostavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona.

Član 12.

Isključive nadležnosti

- U okviru svojih nadležnosti Kanton je nadležan za:
 - a) uspostavljanje i nadziranje policijskih snaga;
 - b) utvrđivanje obrazovne politike, uključujući donošenje propisa o obrazovanju i osiguranje obrazovanja;
 - c) utvrđivanje i provođenje kulturne politike;
 - d) utvrđivanje stambene politike, uključujući i donošenje propisa koji se tiču uređivanja i izgradnje stambenih objekata;
 - e) utvrđivanje politike koja se tiče reguliranja i osiguravanja javnih službi;
 - f) donošenje propisa o korištenju lokalnog zemljišta, uključujući i zavarivanje;
 - g) donošenje propisa o unaprijeđivanju lokalnog poslovanja i dobrotvornih aktivnosti;
 - h) donošenje propisa o lokalnim postrojenjima za proizvodnju energije i osiguranje njihove dostupnosti;
 - i) utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
 - j) provođenje socijalne politike i uspostava službi socijalne zaštite;
 - k) stvaranje i primjena politike turizma i razvoja turističkih resursa;
 - l) stvaranje pretpostavki za optimalni razvoj privrede koja odgovara urbanoj sredini;
 - m) finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima.

Član 13.

Zajedničke nadležnosti sa Federacijom

Kanton zajedno sa Federacijom, samostalno ili u koordinaciji sa federalnim vlastima vrši slijedeće nadležnosti:

- a) jamčenje i provođenje ljudskih prava;
- b) zdravstvo;
- c) politika zaštite čovjekove okoline;

- d) komunikacijska i transportna infrastruktura;
- e) socijalna politika;
- f) provođenje zakona i drugih propisa o državljanstvu;
- g) imigracija i azil;
- h) turizam;
- i) korištenje prirodnih bogatstava.

Član 14.

Vršenje nadležnosti

Svoje nadležnosti Kanton izvršava donošenjem sopstvenih propisa i primjenom propisa Bosne i Hercegovine i Federacije.

Nadležnosti iz člana 13. ovog Ustava Kanton vrši u obimu dogovorenom sa federalnim vlastima. U slučaju da takav dogovor ne postoji te nadležnosti će Kanton vršiti cjelovito i samostalno.

Član 15.

Prenosjenje nadležnosti

Svoje nadležnosti iz oblasti obrazovanja, kulture, turizma, lokalnog poslovanja i dobrotvornih aktivnosti, radija i televizije Kanton može prenositi na općine u svom sastavu. Ove nadležnosti će se obavezno prenositi na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može neke od svojih nadležnosti prenijeti i na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadležnosti u smislu ovog člana donosi Skupština.

IV - STRUKTURA VLASTI

A) ZAKONODAVNA VLAST

Član 16.

Opća odredba

Zakonodavnu vlast u Kantonu vrši Skupština Kantona.

Član 17.

Sastav Skupštine

Skupština je jednodomno predstavničko tijelo sastavljeno od 45 (četrdesetpet) poslanika. Poslanici se biraju tajnim glasanjem na neposrednim izborima na cijelom području Kantona.

Prilikom izbora poslanika obezbjeđuje se odgovarajuća zastupljenost predstavnika Bošnjaka, Hrvata i ostalih naroda proporcionalno nacionalnoj strukturi stanovništva na području Kantona.

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini traje 2 (dvije) godine.

Član 18.

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadležnosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabranih poslanika.

Skupština zasijeda javno, izuzev u slučajevima kada je to predviđeno njenim poslovníkom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovníkom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kažnjen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).

